


ULUBUTO ULWAIBELA

 Ninsala muno bushiku icipandwa fye icipi, nangu ukubelenga ukwipi fye, Shikulu nga asuminisha, icakutupelako ukwishiba umo cilolele, ukufuma muli St. Mateo 13:24 ukufika pa 30. Elyo kabili nde-ndefwaya ukubelenga ukufuma pa 36 ukufika pa 40, mu kashita fye akanono. Nomba St. Mateo, icipandwa 13, no kutendeka na vesi ya 24 ilya mu cipandwa 13 icakwa St. Mateo. Mumfwikishe ku kubelenga kwa Cebo. Amashiwi yandi yakafilwa, lelo Ayakwe tayakafilwe.

Umulumbe umbi abomine, ati, Ubufumu bwa mu mulu bwapalana no muntu uwatandile mbuto iisuma mu cilime cakwe:

Lelo ilyo ali mu tulo, umulwani wakwe alishile no kutanda amankumba mu ngano, no kufumapo.

Lelo ilyo imisongo yasapwike, no ku twale fisabo, elyo kwamoneke na mankumba.

Na basha ba mwine ng'anda baishile no kutila kuli wene, Mukwai, bushe tamwatandile imbuto ishisuma mu cilime cenu? nga kanshi yafuma kwi amankumba?

Nao abebele ati, Mulwani acitile ici. Kabili abasha batile kuli wene, Bushe mu lefwayo kuti tuye... tuyeyalonganya?

Lelo atile, Iyo; epali pa kulonganya amankumba, mwanukwila pamo ne ngano.

Lekeni fimenene pamo fyonse fibili ukufika pa kusepa: na mu nshita ya kusepa nkatuma bakasepa, Babale balonganye amankumba, no kuyakake myanshi ku kuyoca: lelo ingano bakalonganye mu butala.

² Bushe na mumona, “Babale balonganye amankumba, no kuyakake myanshi”? Nomba, pa kubelenge ci, kwaliko icintu cimo icaibela icaishile kuli ine ilyo naikele pa mulu wa Mpili sha Catalina ubushiku bumbi, mwi pepo. Elyo kabili natontonkenye, ukuti nikwi ningafumya ishiwi ilyo ningabomfya pali ici ndefwaya ukuyasosapo inshita ya mu bushiku?

³ Kabili naliile no kusange shiwi lya ukwibela, eico nabulile icitabo icilondolola amashiwi no kumonamo ishiwi lya ukwibela ifyo lipilibula. Kabili lipilibulo kuti “ukutande icaibela,” nangu-nangu, “ukuba icaibela,” ngefyo Webster asosa, “ukutanda icaibela, icintu icapusana,” nangu, “ukupusana ne cabapo kale.” Eico natontonkenye ukuti, isambililo lya mu bushiku, ndeyalita ukuti: *Ulubuto Ulwaibela*. Kabili no kucetekelo kuti Shikulu alapale Cebo Cakwe nomba ilyo twa Cipalamako.

4 Kabili naifwe natwishiba Alilondolwele, mu vesi 36 kabili-kabili ukufika pa 43, ifyo ulu lubuto lwakulile. Kabili ilyo tucili pali ci, katubelengepo napopene, vesi 36 nomba ukufika pa 43.

Kabili ilyo Yesu asalangenyé bumba, Aingile mu ng'anda: na basambi bakwe baishile kuli wene, abati, Twilwileni umulumbe wa mankumba ya mu cilime.

Nao pa kwasuka atile kuli bene, Uutande mbuto shisuma Mwana wa muntu;

Kabili icilime ni pano isonde; imbuto shine bana ba bufumu; lelo amankumba bana ba mubifi;

Umulwani uwafitandile ni kasebanya; ukusepa ni mpela ya calo; na bakasepa ni bamalaika.

Eico ifyo amankumba yalonganikwa no kocewa mu mulilo; efyo cikaba mu kupwa kwe sonde ili.

Umwana wa muntu akatuma bamalaika bakwe, na bo bakalonganika ukufuma mu bufumu bwakwe ifintu fyonse ifipunwisha, na bonse abacito bupulumushi;

No kubaposa mu mulilo, ilungu lya mulilo: kulya kukaba ukupunda, nangu ukulila no kusumanya meno.

Elyo abalungama bakabalika nga kasuba mu bufumu bwakwa Shibo. Uuli no kutwi . . . omfue.

5 Uyo ni Yesu umwine alepela ukwilula kwa mulumbe, Umwine, eico kanshi twaishiba umo ukwilula kulolele. Kabili nomba ilyo twapalama kuli ici, uku kutanda kwa lubuto kabili-kabili no kusepa, nomba Ailula ici. Elyo kabili ndecetekela ukuti Yesu alelanda uyu mulumbe mu bushiku Bwakwe, lelo alelosha ku nshita ya mpela ye sonde, nangu, ukupwa kwa nkulo, ubuli ni buno bwine bushiku. Kabili ni nceletelo kuti *ili* sambililo ilinonofye muno bushiku lintu lyalinga saana mu nshita iyo twikelemo, pantu Yesu apa alilandile bwino bwino ukuti “ukulonganika kukabako pakupwa kwe sonde ili,” ekuti elyo kukaba impela; ukulonganya kwa ngano, elyo no kulonganya kwa mankumba no kuyoca, no kwingishe ngano mu Bufumu. Kabili ndecetekela cali muli uyu musango.

6 Kabili Ilembo nalimbi ilyantungulula mu kucetekela muli ii nshila, ninemba apa, ni Mateo 24:24, apo calanda ukuti, ukulanda pa-pa cipuna, lubuto ulwaibela, Yesu atile ishi shibili shikaba ishapalamana saana icakuti shalufya na Basalwa bene ngacabe cingacitwa. Mupepi fye nokuba cimo cine.

7 Incende naimbi mu Malembo apo calembwa, ukuti imfula ilokela pa balungama na bashalungama.

8 Ndeibukisha ukumona kwandi ukwa ntanshi ukwakusangwa pakati ka bantu ba Pentekosite. Nali ku Mishawaka, Indiana. Kabili nali ku kulongana ku kalamba ukwa convention, icikulwa ukulingana fye nga cino cine,

umo aba ku Kapinda ka ku kulyo na ku Kapinda ka ku kuso baishile kumanina. Pantu mu nshiku shilya, kwali akapatulula ka mitundu, eico bakumanine kulya. Yali amabumba aya kalamba yabili aya ba bwana nyina ba ci Pentekosite. Nshatalile mbomfwapo nangu kubakumanyapo. E muku wa ntanshi naumfwilepo ukulandila mu ndimi. Kabili pakupwa kwa mulongo, kwa kulongana. . . Ine pakukanaba membala pakati kabo, nalifye kapyunga uwacaice mu Baptist, naikalile fye kulya ku numa. Kabili ndeibukisha umuku wa ntanshi naumfwile umo alelandila mu ndimi, nshaishibe nomo-nomo calolele nakalya. Elyo kabili abo baume babili, sana sana, baikalile ku ntanshi, umo ngalandila mu ndimi umubiye ninshi kwilula ifyasosa umunankwe. Cisuma, natendeke fye ukulasambilila Baibele yandi sana sana ngefyo ningacita, ukufuma palya, kabili nasangile ukuti ici califye ukulingana na Malembo. Ifi efyo Ilembo lyali, Umupashi wa Mushilo uli no kucita.

⁹ Cisuma, papitile fye ubushiku bumo panuma ya ico. Ubo bushiku umutima wandi walisunkanishiwe saana. Nasendeme mu cilime ca nyanje. Nshakwete indalama inshingi ishakupila pakuti ningakwata u-u-ubusanshi, eico nakwete fye indalama ishalinga ukubwelelamo ku mwesu, kabili nalishitileko utwakulya utuma donuts, utwalinshishepo inshiku, nangu utuma rolls, utotwine, etwali icakulya candi ica lucelo. Nge fyo balimpokelele ukuti ningalila pamo nabo, lelo nshakwete indalama ishakusonkapo. Mu nshiku shilya, yali ni mu nshita ilyo ubunonshi bwabwelele panshi, 1933, kanshi cali-cali icayafya saana mubwikashi. Eico natontonkenye, “nomba, calaba shani? Nshilefwaya ukulya nabo, lelo ndefwaya ukwishiba ico bakwata. Balikwate cintu cimo ico nshakwata.”

¹⁰ Eico lulya lucelo nali. . . balinjipwishe, “Bonse bakashimikila mwise kuno kuntanshi no kwisa isosela mwe bene, amashina yenu, noko mufumine.”

¹¹ Cisuma, na-nasosele fye ukuti, “William Branham, kashimikila, Jeffersonville,” naikala. Cisuma, pali ilya inshita nine nalipo fye kashimikila uwacaice ku ntanshi kulya. Kabili ubushiku bwakonkelepo balinjitile ku ntanshi ukuti nshimikile. Kabili pa numa nashimikile, cinshi, twalikwete inshita iikalamba, elyo nomba natendeke ukulakumana na bantu abalekana-lekana balendalika ukuya ku ma calici yabo. Kabili panuma ilyo ba. . .

¹² Panuma yaico, cinshi, natontonkenye, “Nga cakuti nafikile fye ukwali balya baume babili abalelandila mu ndimi no kwilula!” Ico cintu calengoca saana mu mutima wandi, nalecifwaisha saana. Cisuma, ngefyo mwebele pa kutendeka, akabupe akanono eko mubomfya. Namwishiba, ifya bupe elyo no bwite filabapo ukwabula ukulapila, mulaba na fyo mu nshita ya myeo yenu yonse, mwamona, mufyalwa fye nafyo, nga cakuti fya bupe fya kwa Lesa. Eico ine lyonse, ukutula fye ilyo nali

akanya akanono, calencitikila lyonse, abantu abanjishiba mu bumi bwandi bonse, balishiba ukuti ico cishinka. Cisuma, nga cakuti natontonkanya . . . nshacishibe pali ilya nshita fintu cali, ukucita ukuti cimonwa, nshacishibe iyoo. Lelo nalitontonkenye, “Nga cakuti fye ningalanshanya nabo!” Cisuma, no mupashi uwali mu cikulwa waumfwike kwati fye cine cine Mupashi wakwa Lesa.

¹³ Eico na-nalilanshenyepo naumo, kabili nalimwipushako amepusho ayanono, kabili ali mwina Kristu wa mpomfu icine cine. Tapali no kutwishika palwa ico nakalya, ulya muntu ali uwatetekela icine cine. Elyo ulya muntu umbi, ilyo nalanshenye nankwe, nga cakuti nalitala nkumanyapo bumbimunda, ulya mwaume ali umo pali bena. Ulya muntu cine ali . . . Umukashi wakwe ali umusweshi, kabili alikwete abana muli . . . abana babili mu mwanakashi umufishi. Kabili natontonkenye, “Cisuma, nomba cinshi? Ici icili pano, ni-ni mpelenganishiwa. Nalicetekela fyonse ine; cifwile ukuba Icebo, nga teifyo ninshi tacilungeme iyoo. Kabili apa pali ulya Mupashi, umo walilangishe, ukulingana nefyo naishiba, ukuba uwa cine cine; kabili umbi wena tawali uusuma iyoo; kabili no Mupashi waponene pali bonse babili. Nomba, ici kuti caba shani?” Nali, cali mpapwishe.

¹⁴ Panuma ya myaka ibili, nalepepa mulucengo uko naleya mu kupepela. Mwali ulukungu mu lucengo, elyo ubushiku bumo akasuba nafumine panse, nabika na Baibele wandi pa mulando, elyo icipupu caishile no kuikupula mu Ba Hebere, capita 6. Apo casosele, ukuti mu nshiku shakulekelesha, ifyo cili nokuba nga twafutatuka ku Cine kabili no kulenga abapya na kabili ku kulapila, takwashala na kabili ilambo pa membu, kabili nefyo imyunga na bacilasa, ifyali mupepi no ku kanwa, ifyo impela yafiko kocewa; lelo imfula ilokela pe sonde, ilingi, ku kulitapilila, nokulipekanya; lelo imyunga na bacilasa fikakanwa, lelo ingano shikalonganikwa. Kabili natontonkenye, “Cisuma, cipupu fye e cakupukula apa.” Eico, nabikile fye Baibele panshi na kabili. Kabili natontonkenye, “Cisuma, nomba nala. . .” Kabili icipupu calishile no kuikupukula. Ico cacitike imiku itatu. Kabili natontonkenye, “Cisuma, nomba, ici cabe caibela.”

¹⁵ Elyo kabili lintu naimine, kabili natontonkenye, “Shikulu, cinshi Mwingakupukwila ilya Baibele kuli ine ukuti mbelenge cilya, Ine. . . Ilyo nafikile pe shiwi lilya, ‘imyunga na bacilasa, ifili mupepi no kukanwa, ifyo impela yafiko kocewa?’” Nalitontonkenye, “Cinshi, ico Mwacinjiswilila cilya palya?” Kabili pakulolesha kulya palwalala. . .

¹⁶ Nomba, ifi fimonwa fya cine fisa fye ukwabula ukufitampa. Ulya ni Lesa fye. Mwamona? Naliloleshe kabili namwene isonde ilyaleshinguluka ku ntanshi yandi, kabili namwene lyali ilyabulungana. Kwali umwaume uwafwele ifyabuta, aile

aletande ngano. Kabili ilyo aile ukuyafika ku mpela ye sonde; kwaishile umwaume kunuma, amoneke ukutinya saana, kabili afwele ifyafita, elyo alekuba imbuto sha mankumba konse konse fye. Shonse shalimenene pamo. Kabili ilyo shamenene, shonse shaiketwe cilaka, pantu imfula yalefwaikwa. Kabili shonse shamoneke kwatishilepepa, na ka mutwe kakwe akanono nakakontama, “Shikulu, tumeni mfula, tumeni mfula.” Kabili amakumbi ayakalamba yaliishile, elyo ne mfula yalokele pali shonse. Ilyo yalokele, aka ngano akanono kalitolokele mu mulu no kutampa ukusosa ukuti, “Shikulu Alumbanishiwe! Shikulu Alumbanishiwe!” Kabili akacani akanono nako kalitolokele mu mulu pa lubali lumo lwine, no kutila, “Shikulu Alumbanishiwe! Shikulu Alumbanishiwe!”

¹⁷ Elyo icimonwa caishile ilulwa. Imfula ilokela pa balungami na bashalungama. Umupashi umu wine kuti waponena mu kulongana, kabili na bonse basansamukilamo: ba bumbi munda, Abena Kristu, na bonse fye capamo. Cacine. Lelo ni cinshi? Kufisabo fyabo eko beshibikilwa. Mwamona? E nshila imo fye iyo cingeshibikilwamo.

¹⁸ Eico nomba mwacimone co, apo ifisabo fya mpanga ifyama oats, nangu ingano sha mpanga pamo ne fya nseke limo limo filaipalanya saana ku fya nseke shine-shine, inseke sha mu mushi, mupepi saana icakuti Nabasalwa bene kuti babepwa. Ndetontokanya tuleikala mu nshita iyalinga, ilyo ifi fintu filingile ukushimikilwapo elyo no kulandwapo.

¹⁹ Moneni mu vesi 41, fibili nafyo ifyapalamana saana, ukupalamana saana mu nshiku sha mpela icakuti Tacicitile. . . Tashintilile pa lukuta lumu ukushipatula, tutile, ba Methodist nangu ba Baptist, nangu ba Pentekosite, ukushipatula. Atile, “Atuma ba malaika bakwe ku kushipatula.” Malaika akesa ku kuleta ukupatulanya, akapatulula pakati ka calungama ne calubana. Kabili takuli nangu umu uwinga cite co kano fye Malaika wa kwa Shikulu. Ena Eukalanda ukulangishe icili cishinka elyo ne cilubo. Lesa Atile akatuma ba malaika Bakwe pa nshita sha mpela. Te ba malaika ukupita monse *umu*, lelo ni ba malaika pa nshita yakulekelesha, kabili no kwisalonganya pamo. Natwishibo kuti ukukwisa kwa nshita yakusombola nomba. Nomba *malaika* mu cituntulu cipilibulo kuti, “inkombe.” Kabili tulemono kuti kuli ba malaika cine-lubali aba ku nkuta cinelubali, elyo nomba. . . Iyo, mu nkulo sha lukuta.

²⁰ Moneni abo Atile eba katanda, elyo kabili no lubuto lwali. Umu, katanda ali ni Wene, Umwana wa kwa Lesa, uwaile aletande Mbuto. Kabili umulwani aishile pa numa Yakwe, uwali ni Kasebanya, no kutande mbuto shaibela, pa numa ya kutande Mbuto shisuma. Nomba, mwe fibusa, ici e cacitika mu nkulo fye shonse ukufuma fye apo twakwatile calo. Ifi fine fye. Ukufuma fye ku kutendeka, catampile fye cintu cimo cine.

21 Nomba Atile, “Ulubuto lwa kwa Lesa, Icebo cakwa Lesa.” Yesu atile, mu ncende imo, ukuti “Icebo Lubuto.” Kabili ulubuto lonse luli no kutwala mu musango waluko. Kabili nomba nga cakuti umwina Kristu, abana ba kwa Lesa, abana ba Bufumu baba Ulubuto lwa kwa Lesa, lyene ninshi bafwile ukuba Icebo cakwa Lesa, Icebo cakwa Lesa icilemoneka mu nkulo iyo baleikalamo, ku Lubuto lwa bulayo ulwa nkulo iyo. Lesa pa kutendeka apele Icebo Cakwe, kabili cila nkulo yaliikwatile Ulubuto, inshita yaiko na malayo yaiko.

22 Nomba, ilyo Noah aishilemoneka, kabili ali Lubuto lwa kwa Lesa, Icebo cakwa Lesa kuli ilya nkulo.

23 Ilyo Mose aishile, taishile ne mbila yakwa Noah, tekuti ibombe nakalya, pantu ali e Lubuto lwa kwa Lesa pali ilya nshita.

24 Kabili lintu Kristu aishile, Taishile ne nkulo yakwa Noah nangu yakwa Mose; yali ni nshita Yakwe, iyakuti na-nacisungu emite kabili no kufyalo Mwana mwaume, kabili Ali nokuba Messiah.

25 Nomba, natwikala ukupita mu nkulo yakwa Luther, mu nkulo yakwa Wesley (inkulo ya ba Methodist), ukupita monse mu nkulo, ne nkulo yaci Pentekosite, kabili cila nkulo yalipelwa ubulayo bwa Cebo. Kabili na bantu ba nkulo ilya, abo abalangisha cilya Cebo cabulayo, e Lubuto lwa nkulo iyo, ukulingana nefyo Yesu asosele apa, “Bena bana ba Bufumu.” Cishinke co. Ukumoneka kwa Mupashi wa Mushilo ukubombela mu bana Bakwe e shilye Mbutu sha Bufumu pa nkulo ilya.

26 Moneni, amankumba eyo, umulwani, Satana, uwatandile icapusana, nangu-nangu ulubuto lwaibela, e wali no mulandu wakucite cintu cabipo musango uyu. Satana atandile ulubuto lwakwe ukufuma ku kutendeka, ilyo Lesa abikile ukusombola Kwakwe ukwa ntanshi ukwa bantunse pe sonde. Adamu, ca cine, pali ilya nshita alishibe ukuti kwali u-ukwishiba kwa cine, icalungama ne cishalungama, kabili tali talaisa kuli ici iyoo.

27 Lelo tulesango kuti, Lesa apele abana Bakwe Icebo Cakwe ku Kuicingilila. Kulya . . . Tatwakwata Ubucingo bumbi ukucile Cebo cakwa Lesa. E Bucingo bwesu. Takwaba ama bomba, ifyubo, incende shakufisamamo, takuli ba Arizona nangu ba California, nangu ukuli konse; kwaba fye Ubucingo bumo twakwata, neci Cebo. Kabili icebo caishilebo buntunse no kwikala mukati kesu, uuli ni Kristu Yesu, Wene e Bucingo bwesu epela. Pakuba muli Wene, twaba abacingililwa.

28 Nangu fye lubembu talulingwa ku watetekela uwa cine cine. Bushe mwalishibe co? Uwafyalwa kuli Lesa, tabembuka, tekuti abembuke. Mwamona? Talulingwa na kulingwa iyoo. Cinshi, Dabidi atile, “Alishuka umuntu uo Lesa takalingile lubembu.” Nga uli muli Kristu, tekuti ukwate ukufwaya ukubembuka. “Kapepa, nga asangululwa limo, tekuti abe no kukuntwo

mutima kabili ku lubembu,” tekuti ufwaye nakalya. Nomba, kuba calo, kuti limbi waba umubembu; lelo, kuli Lesa, tauli iyoo, pantu mwaba muli Kristu. Kutu waba shani mulubembu ilyo waliba mu Ushaba na lubembu, elyo na Lesa amona fye Uyo Uo wabamo?

²⁹ Nomba iyi nshita yakusombola. Pa kutendeka, ilyo Lesa atandile Ulubuto Lwakwe pe sonde no kupela mu mitima ya bana Bakwe, ulupwa Lwakwe, ukubaka Icebo cilya, cilya e califye Ubucingo bwabo epela, ukubaka cilye Cebo! Umulwani alishilemo nokonaula Icakucingilila cilya, pa kutanda ulubuto lwaibela, ulwapusana ne Cebo cakwa Lesa. Nga cakuti cilya cali icaibela pa kutendeka, na lelo line efyo cili! Conse ico icingalundako icili conse ku Cebo cakwa Lesa, ninshi cicili lubuto lwaibela! Nshilesakamana uko cilefuma, nga kufuma ku kabungwe, nga kufuma ku ncende yafya nkondo, nga kufuma kuba maka yafya mapolitikishi, conse fye ico icapusana ne Cebo cakwa Lesa, lubuto ulwaibela!

³⁰ Ngo muntu aiminina no kulando kuti ni kabila wa Mbila nsuma, elyo alando kutila “inshiku shafisungusho shalipita,” uyo ninshi lubuto lwaibela. Ngo muntu aiminina no kulando kuti ni kapyunga, mucemi wa lukuta ku cifulo cimo, elyo tacetekelo kuti Yesu Kritsu aba fye cimo cine mu musango onse (kano fye umubili wa buntu), cimo cine mailo, ilelo, no muyayaya, uyo ninshi lubuto ulwaibela. Ilyo asosa ukuti “ifipesha mano ne nkulo ya butumwa fyalipita,” uyo lubuto ulwaibela. Nga batila, “takwaba kuposhiwa kwa Bulesa nga wapepelelwa,” ulo lubuto ulwaibela. Kabili ne calo caisulamo nalo. Lulalongana no kutabilila ingano.

³¹ Twamona ukuti katanda wakubalilapo uwa lubuto ulwaibela aitulwe “Kasebanya,” kabili natwishiba efyo, mu Kutendeka 1. Kulya tulesanga, elyo na umu mwi-mwi Buuku lya kwa Mateo, chapitala 13, Yesu acili alelangisha icaibela conse ku Cebo Cakwe ukuba “Kasebanya.” Na uno wine 1956, conse icitanda icapusana, icaibela ukufuma ku Cebo ca kwa Lesa icalembwa, nangu ukubikako ukwilula ukwa mubumfisolo ukuli konse kuli Cena, lubuto ulwaibela. Lesa takacicindike. Tekuti Acicite. Tekuti fisankane. Tacakatale acicitika nakalya. Caba ngo lubuto lwa lubanga; tekuti lusankane ne cintu cimbi, tekuti mulusankanye iyoo, lufwile ukuba icine cituntulu. Ulubuto ulwaibela!

³² Nomba twasanga, ilyo Lesa atandile Ulubuto Lwakwe mwi Bala lya Eden, twasanga ukuti lwaletete Abeli. Lelo lintu Satana atandile ulubuto lwakwe ulwaibela, lwaletete Kaini. Lumo lwaletete umulungami; lumo lwaletete uushalungama. Pakuti Efa aumfwilile icebo icapusana, icapusana ne Cebo cakwa Lesa, kabili catendeke umupila walubembu ukulakunkuluka ukutula palya pene, kabili walitwalilila uku kunkuluka ukutula lilya line. Kabili tatwakalufumyemo lonse mpaka ba malaika bakese

no kwisa patulula cilya, kabili Lesa akasenda abana Bakwe ku Bufumu, elyo na mankumba yakocewa. Mumone fimuti fibili filya ifya myangashi.

³³ Atukwata fye nshita iikalamba pali ili sambililo, lelo nomba ku komai fye pa fikomo ifikalamba, pakuti twingile bwangu mukupepelela abalwele muli ba mineti fye abanono abalakonkapo.

³⁴ Moneni, imbuto shabo shakulile pamo ukulingana nefyo Lesa asosele umu namo mu chapitala 13, we sambililo lyesu muno bushiku, muli Mateo, "Lekeni fikulile pamo." Nomba, Kaini aile ku calo ca Nod, nokuifwaila umukashi, no kuupa; kabili Abeli alipaiwe, elyo Lesa aimishe Sete ku kubula icifulo cakwe. Elyo inkulo shatendeke ukuya pantanshi, pakati ka calungama elyo ne calubana. Nomba, twamona balilongene, bonse bene, inshita ne nshita, kabili Lesa acitile. . . Caishilebipisha saana mpaka Lesa aconaula.

³⁵ Lelo pakulekelesha shaishilefuma mpaka shonse shilya mbuto, ulubuto ulwaibela elyo no lubuto lwa kwa Lesa, shafumishe imitwe yashiko iya cine cine, neci caishilefika muli Yuda Iskariote elyo na muli Yesu Kristu. Pantu, Ali Lubuto lwakwa Lesa, Ali e ntendekelo ya kulenga kwa kwa Lesa, Tali cimbi ukucila pali Lesa. Elyo Yuda Iskariote afyelwe umwana wa boni, afumine kumbo, no kubwekela kumbo. Yesu Kristu ali Mwana wakwa Lesa, Icebo cakwa Lesa icamoneke. Yuda Iskariote, muli bucaibela bwakwe, ali lubuto lwakwa Ciwa, aishile pa calo, kabili ku kubepa; nga fintu fye ali pa kutendeka, Kaini, wishu wa ntanshi.

³⁶ Yuda aleyangala fye mu calici epela. Taali uwa cishinka, takwete icitetekelo icituntulu (nga tafutwike Yesu). Lelo, moneni, atandile ulubuto lulya ulwaibela. Atontonkenye ukuti enga panga bucibusa ne calo, mammon, elyo no ku kwata bucibusa na Yesu, lelo inshita yalimupwilile iya kucitapo icili conse. Ilyo inshita iyatalala tondolo yafikile, ilyo acitile ici cintu cabipisha, acilwike umushilwa wakulekanya pakati ka kuya pa ntanshi elyo no kubwelele numa. Aile fye mu nshila iyo aendelemo, pamo nga kabepa. Atandile ulubuto ulwaibela, a eseshe ukusanga ububile no tubungwe tulya utukalamba utwa nshiku shilya, na ba Fariseo pamo na ba Saduke. Kabili atontonkenye ukuti alakwatilamo ulupiya, elyo no kulumbuka pakati ka bantu. Ico cintu nga tacilenga abantu abengi ukuba mu kupusana kulya, pa kwesha ukufwaya ububile no muntu! Lekeni tusange ububile na Lesa, umuntu ena teo iyoo. Lelo ifi e fyo Yuda wene acitile ilyo ifi ifyaibela fyali muli wene.

³⁷ Kabili twaishibo kuti Yesu ali Cebo, St. Yohane 1, yatila, "Mukutendeka mwali Cebo, kabili Cebo ali pamo na Lesa, kabili Cebo ali ni Lesa. Kabili Cebo aishilebo buntunse no

kwikala pano pamo naifwe.” Kanshi, Icebo Lubuto, eico Ulubuto lwaishilebo buntunse no kwikala pamo naifwe.

³⁸ Nga Yuda ali lubuto lwa mulwani kabili ulwaibela, kanshi nalo lwine lwaishilebo buntunse no kwikala pamo naifwe mu buntunse bwakwa Yuda Iskariote. Takwete icitetekelo, ica cine cine. Akwete ico *atontonkenye* ukuti e citetekelo. Kwaliba icintu icaba ngo ku kwata icitetekelo; elyo ne citetekelo cakupanga fye.

³⁹ Kabili icitetekelo ca cine cine ica kwa Lesa cicetekela muli Lesa, elyo Lesa Cebo, kabili tacakalundeko icintu nangu cimo kuli Cena. Baibele ilatweba nga twalundako ishiwi limo, nangu ukufumyako Icebo cimo, icakaniko cesu cikafumishiwako mwi Buuku lya Mweo, Ukusokolola 22:18, icipandwa cakwisala icakulekelesha.

⁴⁰ Mukutendeka, Ibuuku lya kubalilapo ilya mu Baibele, Lesa abebele ukukanatobapo Icebo cimo pali Cilya, “Icebo conse cifwile ukusungwa,” balingile ukwikalila ku Cebo cilya. Yesu, pakati ke Buuku, aisa no kulanda cilya mu nkulo Yakwe, kabili atile, “Te ku cilyo ceka umuntu ekalila no mweo, lelo kano ku Cebo conse ici-icifuma mu kanwa ka kwa Lesa.” Kabili na mu nkulo yakulekelesha iya Kusokolola, iyaebelwe libela kuli ifwe, ukuti “Uyo onse uukafumyako Icebo cimo mwi Buuku, nangu ukulundako icebo cimo kuli Cena, icakaniko cakwe cikafumishiwako mwi Buuku lya Mweo.”

⁴¹ Eico takwingaba nelyo cimo icishili cituntulu, kano fye Icebo cakwa Lesa ica cine cine, icishakoweshiwa! E bana baume bakwa Lesa, na bana banakashi bakwa Lesa, abashafyalwa ku kufwaya kwa mwaume, nangu pa kuposhanya mu minwe, nangu imisango imo iya lubatisho; lelo bafyalwa mu Mupashi wakwa Lesa, ku Mupashi wa Mushilo, kabili ne Cebo ukumonekela cine muli bena. Lulya e Lubuto lwa kwa Lesa ulwa cine cine!

⁴² Umulwani alailunda ku calici nokuba uwasumina nganshi mu cisumino atemwa mu cintu cimbi. Lelo ico teco. . . Ico cintu caibela, conse ico cipumfyanya yalya maka ya Cine icituntulu ica Cebo ca kwa Lesa.

⁴³ Kabili twaishiba shani? Tulando kuti, “Cisuma, bali, mwalikwata insambu sha ku Cilula?” Iyo, mukwai! Takuli umuntu nangu umo uwakwate nsambu sha kwilula Icebo cakwa Lesa. Umwine Euuilwila. Alacilaya, elyo Alacicita, uko kwine e kwilula kwa ciko. Iyo Acilaile, elyo Alacifikilisha, kabili uko kwine e kwilula kwa Ciko. Conse icaibela ukufuma ku Cebo cakwa Lesa cintu icaibela! Umupwilapo!

⁴⁴ Nomba, nge fyo nsosele, Yuda takwete citetekelo ica cine cine. Akwete icitetekelo cakuitunga fye. Akwete i-icitetekelo ico atontonkenye ukuti ulya ali Mwana wakwa Lesa, lelo taishibe ukuti Mwana wa kwa Lesa. Nga tacitile filya. Kabili no muntu uuli no kusuminisha fimbi pali ici Cebo cakwa Lesa pakuba

Icine, akwata icitetekelo cakuitunga fye. Umubomfi wa cine cine uwa kwa Lesa ali no kwikatilila ku Cebo cilya.

⁴⁵ Pa nshita fye ishinono ishapitapo, umo kapyunga, uwa ku Arizona, uwa pe sukulu likalamba, ilya lumbuka muli uno musumba, aishile kuli ine no kutila, “Nde-Ndefwaya nkulungikeko pa cintu cimo” (Natile. . .) “nga wakwete nshita.”

Natile, “Ino ine e nshita iisuma iyo njishibe. Isa kuno.”

⁴⁶ Eico alishile, atile, “Mr. Branham, uleesha. . . Nincetekela uli wa cishinka kabili uwa bufuma cumi, lelo uleesha ukuleta ku calo Isambilisho lya butumwa.” Kabili atile, “Inkulo ya batumwa yapwilile pa batumwa.”

⁴⁷ Natile, “Icintu icakubalilapo ni ngatemwa ukukwipusha, munyinane, bushe walitetekelo kuti Icebo cakwa Lesa conse caliputwamo?”

Atile, “Ee, mukwai, nalitetekele cine cine.”

⁴⁸ Natile, “Kanshi, kuti wanangako mu Cebo apo inkulo ya butumwa yapwilile? Nomba, unangeko apo caba, ninshi ndecetekela pamo naiwe.” Kabili natile, “Kalemba wa butumwa, uwakwete imfungulo shaku Bufumu, pa bushiku bwa Pentekositi ilyo inkulo ya butumwa ya tendeke, batile, ‘mwe Baume na bamunyinefwe, kuti twacita shani pakuti tupusuke?’ Atile, ‘Lapileni, onse uwa muli imwe, no kubatishiwa mwi Shina lyakwa Yesu Kristu, ku kulekelelwe membu, ilyo mukapokelele ica bupe ca Mupashi wa Mushilo, pantu icalailwe cili kuli imwe na ku bana benu, kabili kuli bonse aba kutali, na kuli bonse abo Shikulu Lesa wesu aketa.’ Nomba, nge Cebo kuti caipililika icine shani?”

Uyu muntu atile, “Ndi ne mpepo saana cino cungulo.” Natile, “Naine wine, eflyo natontonkanya.” Mwamona?

⁴⁹ Nomba unjebe, bushe Lesa acili aleita? Nga cakuti Lesa acili aleita, ninshi inkulo ya butumwa na nomba line epo icili. Cacine! Na kuli bonse abo Shikulu Lesa wesu aketa, aitapo, akalaita lyonse, na bonse abo Aketa, nalyo line ikaba ni nkulo ya butumwa, pantu Yesu Kristu aba cino cine mailo, ilelo, no muyayaya.

⁵⁰ Nomba, tulesanga ilelo ukuti ici capusana calitandwa muli cila nkulo. Nga kuti cacitwa ukucibula muli ba mineti ikumi nangu ikumi na basano abalakonkapo, nala cita, nomba tekuti ucicite. Mu nkulo shonse. . . Bonse, fwe bengi tulabelenga Baibele. Kabili nomba nge fyo cali ilyo Yesu aishile, kabili Asangile cilya icapusana, icaibela. Ali Cebo icamoneke, Ali kwilula kwa kwa Lesa ukwa Cebo, pantu Atile, “Fwayeni Amalembo, pantu muliyene mutontonkanyo kuti muli no Mweo wa Muyayaya, kabili yalya e Yalenshimiko bunte.” Mwamona. Ali-Ali e kwilula kwa Cebo. Kabili na onse umwana mwaume no mwana mwanakashi wakwa Lesa uwafyalwa cipya-cipya uwa

mu nkulo ino aliba kwilula kwa Cebo cakwa Lesa. Muli ba kalata abalebwa, aba belengwa ku bantu bonse. Ee.

⁵¹ Moneni, Atile, “Ukushinshimuna Banshinshimuna kwa fye, basambilisha icapusana mu cifulo ce Sambilisho. Ukushinshimuna Banshinshimuna kwa fye, basambilisha ifyapusana mu cifulo ce Sambilisho, amasambilisho ya muntu, ifisumino fya muntu, basambilishe fi ukube Cebo cakwa Lesa, ilyo fishikwete icintu nelyo cimo ica kucita ku Cebo cakwa Lesa.”

⁵² Lolesheni, cila nkulo imesha icilimwa ca musango uyu wine, cila nkulo efyo imesha, ne nkulo yesu ine kumo taikwete pakubepesha. Twakwata fye icintu cimo cine, kabili inkulo ikalamba iya ici ukucila inkulo shimbi shonse ukushibika pamo, pantu uku e kupwa kwa milandu yonse iya calo. Uku e kwibela uku kalamba ukushatala akubako pe sonde, kuli pe sonde ilelo. Ukwibela mu nkulo shimbi kwa bafumishe kuli Lesa wa cine kabili uwa mweo, no kwalukila ku tulubi. Ilelo, Yesu muli Mateo 24:24 atile cikaba icapalaminako saana icakuti nga cabe cingacitwa kuti calufya na Basalwa bene. Landeni pa capusana! Oh, caliba icacenjelesha. Satana aba pakati ka bantu, kabili uwasambilila nganshi pa fya mibeke ya kwa Lesa. [theologian—Kell Dokota wa fya Bulesa, kuti afunda cilye Cebo mupepi fye ne capwililika. Efyo Yesu asosele. Lelo mukamulolekeshe fye, pakabako pamo. Akatila, “Cisuma, nomba, ico tacali capali ifi.” Oh, ee, ca apopene, naco cine, mwamona, pantu Lesa atile efyo cali.

⁵³ Moneni ifyo cacitile. Balya bene abaibela baletete icipyu cakwa Lesa pa nshiku sha kwa Noah, ilyo Lesa atumine kasesema Wakwe no kubila ngo mulilo uulebilima, no kubilisha ku bantu ukulapila, kabili abaibela balinwinine kunse. Nomba cinshi ico Satana acitile? Aishile panuma, muli Hamu, no kutendeka ukucitanda kabili. Ico cishinka.

⁵⁴ Kabili alishile Mose, kasesema mukalamba, ku kuninika abana ba kwa Israeli ukufuma mu matololo. Cinshi cacitike? Mose, kasesema mukalamba uwa kwa Lesa, ukubaletela Icine icafikapo, Icine icashininkishiwa. Alikumenye Lesa. Lesa alishininkishe ukuti Alimukumenye. Kabili ne fyo balya bantu kunuma kulya, balya ba shimapepo, kabili bakwete imipepele yabo, ifyakusefya fyabo, insambu shabo pamo na fyonse, lelo Mose aiminine nge cishininkisho cabupilibulo bwa Cebo. Mwilabe co! Mose ali e kwilula kwa kwa Lesa ukwa bulayo Bwakwe. Atile akacicita; Ali e kwilula kwa kwa Lesa.

⁵⁵ Cinshi cacitike? Ulukuta elyo fye lwa tampile ukufuma mu Egupti, pa makasa inshiku fye shinono, kabili cinshi cacitike? Satana alishile ne capusana ca kwe mu muntu, Kaini wa cibili, uwali ni Balaam, kabili atandile icapusana pakati kabo. Twalishiba cishinke co. Ulya Balaam, isambilisho

lyakwa Balaam, ilya kuti “tuli fye cimo cine bonse, tubombela fye Lesa umo wine uo naimwe mubombela,” mukusumina, alilungike, pantu apele ilambo ilyo Lesa apele; basukusuku cine lubali, ing’ombe shilume cine lubali pa fipailo cine lubali, no kupepa kuli Lesa umo wine bwino bwino fye ngefyo Mose nao acitile mu matololo, umusango umo wine fye. Lelo tabali cimo cine! Ukulangishisha libela kuli ifwe ifyali no kwisa citika. Kwali, kabili, Kaini amoneke mu-mu buntunse bwakwa Balaam. Kabili kulya kwali Lesa amoneke mu buntunse bwakwa Mose, ukulailula Ifyebo Fyakwe ukupitila mu muntu, ukulenga Umwine eshibikwe, ubulayo Bwakwe, ukupitila mu muntunse. Kabili icaibela calimine.

⁵⁶ Efyo cacitile na munshiku shakwa Yuda, palya alishile no kwiibela kwakwe.

⁵⁷ Kabili, mwibukishe, ulu lubembu ulu balya bantu batetekele, ukuti “bonse tuli fye cimo cine, tushishimuna Lesa fye umo wine, bonse tufwile ukuba fye ku cilonganino cimo cine, tufwile ukuba fye abantu bamo bene,” lulya lubembu talwalekelelwe kuli Israeli nakalya! Yesu atile, Umwine, “Bonse balifwa!”

⁵⁸ Balyonaika, bonse fye kano fye batatu, nabo ni balya abaikatilile no kucetekelo bulayo. Ilyo bakuwe batile, “Tekuti tupoke mpanga, kabili cili icakosa kuli ifwe,” elyo na fimbi; Kalebu na Yohua batalalike abantu, no kutila, “Tuli abapulamo ukwiipoka, pantu Lesa alitulaile! Nshilesakamana ifyo umulwani ali!”

⁵⁹ Kabili na nomba line kuti twashimikila pa kundapwa kwa Bulesa, elyo no lubatisho lwa Mupashi wa Mushilo, kabili no kukwata amaka yakwa Lesa ayakutupatula ukufuma ku fintu fya mu calo. Efyo Lesa asosele! Inkulo ya butumwa tayapwa iyoo, kabili tayakapwe, itwalilila fye.

⁶⁰ Eico, twasanga katanda wa capusana umo wine uwakale. Kabili mwibukishe, lulya lubembu talwalekelelwe. Nomba, munyina, nga cakuti talwalekelelwe pali ilya nshita, inga pali ino nshita ilyo u-ulubuto lwa cine ulwa mu nkulo shonse luleisa capamo?

⁶¹ Moneni ici icintu icikalamba ico Balaam acitile, calitwalilile, mpaka pa kulekelesha caishile pelela mu kwisa kwa-kwa kwa Yuda Iskariote, elyo na Yesu. Cali cinshi? Yuda na Yesu bali cikope cituntulu ica kwa Kaini na Abele. Pantu, ifyo Yuda ali uwa bukapapa, efyo na Kaini nao ali uwa bukapapa. Kaini akulile icipailo, acitile ilambo, ashinshimwine Lesa, ali uwa cishinka muli ci nge fyo ulya umbi nao ali. Lelo, moneni, takwete ubusokololo pafyo Icebo cali. Atontonkenye ukuti ni Adamu na Efa e balile ama apples nangu cimbi. Kabili Kaini... Abele, ku busokololo, alishibe ukuti cilya cilubo; wali mulopa e wa bafumishe, eico atulile umwana wa mpanga. Kabili Lesa abelele

icabupe cakwe ubunte ukuti na cilungama. Eico aumfwile akalumwa no kufwaya ukwipaya munyina. Kabili ngefyo aipeye munyina pa cipailo cimo cine apa fwile ice lambo cakwe, umwana wa mpanga afwilile pa cipailo, efyo na Yuda Iskariote afutwike Yesu Kristu pa cipailo cakwa Lesa, no ku Mwipaya nga fintu fye Kaini aipeye Abele. Pantu, Kaini ali lubuto ulwaibela.

⁶² Kabili e fyali na Balaam, kasesema wa cilambu, umuntu uwalingile ukwishiba bwino. Kabili Lesa ali musokele mu fishibilo ne fisungusho, icakuti ne mpunda yalandila mu ndimi ishishaishibikwa, lelo nangu cali fyo atwalilile fye filya fine. Afyelwe ukuba-ukuba katanda wa capusana.

⁶³ Kabili nga cakuti Yesu alisobele ino nkulo ukupwila mu kupusana ukukalamba uko ukushatala akubako, inkulo ya lukuta lwa Laodikea, ulwa cifulefule, Balimutamfya mu lukuta, kuti caba shani cimbi kano fye kulya kupusana! Cacine, eko. Cikapwila muli ilya nkulo.

Kabili cali ni Kaini na Abele na kabili pa Kalbale.

⁶⁴ Nomba moneni, pamo nga pe, lilya line Yesu afuminepo, ukuya mu Muulu, Umupashi wa Mushilo walituminwe. Ulya wali Lubuto, kapela wa Mweo ku Cebo, nge fyo twalandilepo mailo ubushiku. Ena Eulenga Icebo ukuba no mweo. *Ukulenga* ukuba no mweo cipilibula, “ukuleta ku Mweo.” Umupashi wa Mushilo uwa cine cine uleta fye ku Mweo Icebo ifyo caba. Tekuti ulete cisumino ku Mweo, tekuti ucicite, pantu Wena tewakufisumino iyoo. Ena e Mweo wa Cebo cakwa Lesa, pantu ni Lesa. Mwamona? Kabili ulenga ulya Mubili ukuba no mweo.

⁶⁵ Nomba moneni, nga fintu bacitile. Nomba, ngefyo Baibele yasosa, kabili-kabili Yohane asosele ku bana bakwe, kabili atile, “Mwe twana tunono, mwalyumfwa palwa kwa mukanya-Kristu uuli no kwisa mu calo,” atile, “na nomba e po ali mu calo, kabili alebomba mu bana ba bucintomfwa.” Nomba, ilyo cali panuma ya myaka ukulingana nalimo amakumi yatatu panuma yakwisa kwa Mupashi wa Mushilo. Tulesanga, ilyo Umupashi wa Mushilo waishile, Ulubuto lwa cine, Kapela wa Mweo ku Lubuto ulwa cine cine, elyo icaibela naco caisamo kabili. Kabili moneni, calitwalilile. Cali . . .

⁶⁶ Icebo ica cine calishininkishiwe, ba kasesema ba kale balishininkishe Icebo cakwa Lesa ukuba Iceine ilyo baleya. Nga kwalibako uwabelenga akabungwe ka Nicaea Council, nangu Pre-Nicaea Council, shilye nshiku ikumi na shisano isha mapolitiki ya mulopa, ilyo ibumba lya ba Roma kulya lyalefwaya ukuletamo no kupanga icilonganano ukufuma mu lukata lulya. Ba Kasesema baleisa, na bafwala impapa sha mpanga, no kulya ifimuti, kabili no kwimininako Icebo cilya! Lelo finshi cacitile? Cali no kuba nga Kaini, cali no kuba nga Abele, umo ali no kufwa. Cacine, calicitile. Kabili Icebo calufishe ukusabankana Kwaciko pakati ka bantu, kabili bonse

basalile ukufumyapo Icebo icacine no kuletamo ifisambilisho ifya pusana ifya cilonganino ca ntanshi ica Katolika. Ba lundileko papa, balundako na bishopo, balundako *ici, cilya*, na *cimbi*. Bafumishepo ubupilibulo bwa cine ubwakwa Petro, elyo no bwakwa-bwakwa-bwakwa Maria, elyo-elyo ne fyashala fyonse; no kupanga utulubi, no kupanga icishili cintu cimbi lelo ukusefya ukwa cisenshi ukufuma mu citwa imipepele ya bwina Kristu, Cali cinshi? Lubuto lwaibela! Kabili no kubunganya, ukubungana, umuku uwakubalilapo pe sonde, ulukuta. Cali cinshi? Lulya ulubuto lwaibela ulwatampile ukutanda, ukulundako fimo, no kufumyako.

⁶⁷ Ni nani uwaumfwapo, mu Baibele, ukuti takuli kulye nama pali Cisano? Ni nani uwaumfwapo, mu Baibele, ukusansa fye amenshi mu cifulo ca kubatisha, ukwibisha? Nani uwaumfwapo filya fyonse, “Nakucelela, Maria” nangu fimbi? Nani atala omfwapo ukusosa kumo uku ukwa buwelewele ukwabola ukwaba Protestant, nabo? Umupika tekuti webe iketulo ukulamba. Cishinka! Pantu, ukushininwa pa kanono ninshi na nuli fyonse naushininwa! Nani atala omfwapo Lesa ukubumbela mu kabungwe? Nangeniko inshita imo ilyo kamo akabungene no kwikalilila akatuntulu. Twalefwa apo pene fye, kabili ukwabula ukwima libili! Ni nshita ilyo cimo cifwile ukucitika, ni nshita ilyo Lesa afwile asela. Mulonaula amaka ya kukonkwa pakati ka bantu.

⁶⁸ Icintu cimo cine nacicitwa ne lelo line. Balonaula amaka ya kukonkwa, batila, “Oh, lilye bumba lya bapunda, takwaba nangu cimo kuli bena.” Kabili, cinshi, cintu icaibela! Kumanyeni Icebo amenso na menso mumone ifyo Caba, mumone nga cakuti Lesa alelula Icebo Cakwe. Lesa ali na maka ya kubushisha Abrahamu abana mu mabwe aya. Amen.

⁶⁹ Icebo calishininkishiwe bwino-bwino na bena Kristu bantanshi, ifyo Lesa abapokolwele kuli fyonse, na malwele, kabili balikwete ba kasesema, balilandile na mu ndimi shimbi, no kwilula, no kupele mbila isha shininkishiwe ukuba isha cine bwino-bwino inshita shonse. Lelo mu menso ya Cebo conse cilya ica shininkishiwe, abantu basalile Ukucifumyapo, no kusala icilonganino. E nyina wa tubungwe tonse.

⁷⁰ Fyonse nomba nafikula ukufikapo. Balitampile kabili ukutanda. Califwile, lelo kabili caishilepuka mu nshiku sha kwa Luther, pamo nge fyo twishibe ukufuma mu mbila yafumineko kuno ulucelo pa nshita ya cakulya. Calipukile mu nshiku sha kwa Luther. Nomba cinshi bacitile? Panuma lilya line fye ulya muntu wampomfu afwile, bapangile akabungwe.

⁷¹ Calipukile. Kabili mu nshiku sha kwa John Wesley, ilyo ba Anglican, ne fya kucingililwa kwa muyayaya fyabo elyo na fyonse fyalicikakile ukufika fye mupepi na pe sambilisho lya kulubulo mutundu wa bantu bonse, kabili cinshi cacitike?

Lesa aimishe umuntu uwe shina Iya John Wesley, no kwisa ipaya fyonse. Kabili lilya line fye afwile, wene na Asbury elyo na bambi, cinshi cacitike? Balibungenye, elyo nomba mukwete imisango yonse iya ba methodist. Elyo kwaishile umo atemwa umbi, Alexander Campbell, John Smith, elyo na bambi.

⁷² Pakulekelesha, ba Pentekosite balipatwikemo, ukufumamo muli fyonse fye. Nomba cinshi cacitike? Balibutwike bwino, cinshi camicilingenye? Mwabwekele mu matipa yamo yene ayo mwafuminemo, mwabwelele mu milamba imo ine, mwabwelele ku capusana no kuya ku kupanga utubungwe, mwasuminishenye pa Cebo. Kabili ne nshita yonse Lesa ngatume cintu cimo icipya, tamwalecipokelela. Ico cishinka! Icaibela na kabili! Kabili, moneni, pamo nge fyo nasosele ubushiku bumbi, akapapa kalya akanono akabalilapo ukufuma muli uyu mushila, kesa mu mabula elyo na mu mumpupunga, kabili no kubwelela ku musambo, no kwisafumina kunse. Kalya akapapa ka ngano kamoneka fye pepi-pepi kwati fye e lubuto lwine, kabili twatontonkenye ukuti elo, lelo nga mwakapandula, tamuli uluseke mulya nakalya. Kakwikasha fye uluseke ukuti lukulilepo, no kufwa kalafwa nako, kabili no bumi bwafumamo no kuya mu luseke. Moneni, eico baleta inkuta ishatandile . . .

⁷³ Tulesanga ilelo ukuti ifileitwa nge-nkuta ishesu ilelo, nakuli ba Pentekosite besu bene, twalifuminemo, tatwaikushiwe, twaipangile amabumba yesu fwe bene. Fyonse fyaisamo, tufwile ukukwata *ici*, tufwile ukukwata *ici*, tufwile ukukwata ibumba na limbi. Kabili uyu umbi nao aima, ebele, “Akesa pe kumbi Ilya buta.” Umbi nao ati, “Uh-huh, Akesa pali kabalwe wa buta.” “Cisuma, twalapanga amabumba yabili.” Mwamona, cinshi? Ukutanda kwa capusana! Ilyo Akesa, fyonse ifyo cikaba, Akelule Cebo Cakwe Ilyo Akesa. LekenI tulolele fye mpaka Ilye nshita. Ukwikata *ici* . . . Ukulanda fye pali ifyo, ukwabula no kumfwe Mbila ye lelo. Lyonse fye ukulasonta ku fintu ifyo Lesa akacita, nangu ifyo Acita, lelo ukusula ifyo Alecita. Iyo ine e nshila tukwatilamo ifyapusana.

⁷⁴ Nomba twamona ukuti ilelo amacalici yesu, yonse-yonse amacalici yesu yalitanda ku fipupu, kabili yalesombola kankungwe. Tatukwata ukulongana kwa mapepo, tatukwata ukulongana nomba nge fyo twalekwata. Mulandu nshi? Twalilekelesha ifyakuisalilako pali fyonse. Moneni, nakuma calici yesu yene ayaba Pentekosite, mwaisula abanakashi ababeyo mushishi. Ico icishalesuminishiwa iyoo. Ifinso ifyapentwa, na mala ayapentwa na polishi, ne fintu ifyalekana lekana; mwasanga umwaume na . . . pamo nga ma Rickies na bambi; balyupa imiku itatu nangu ine, kabili ba dikone; oh, we kupusana we! Fiko! Bacicita shani? Lesa tekuti acikwate mu Lukuta Lwakwe, balingile baya ku cilonganinino pakuya ingilamo. Umuntu atina no kucilandapo, pantu kuti bamutamfya mu cilonganino. Mwe Lesa, tupeni umwaume

uushaikatana ne fintu fimbi kano fye Lesa ne Cebo Cakwe, uyo uuli no kusose Cine pali ci. Ici eco fye tulekabila. Cinshi ico tucitile? Kutande capusana. Natutanda ku cipupu, nomba tulesombola kankungwe.

⁷⁵ Lolesheni ukuti ino nshita balelonganiwa capamo ku kocewa. Namumona, Yesu atile, “Intanshi, mufilonganye pamo, no kufikaka mu myanshi, elyo ukubika imyanshi yonse mu mwina umo, kabili Nkafyoca.” Kuli aka mwanshi akanono aketwa Methodist, Baptist, Presbyterian, Lutheran, aba bonse balelongana capamo mu Kabungwe ka Calo aka Macalici. [World Council Of Churches—Kell Cili ni cinshi? “Intanshi mutale mu filonganye!” Hallelujah! Namumona, Abala alonganya amankumba, ukuyatalusha ku ngano, ukufipatulula, “Muyalonganye pamo no kuyoca.” Fyonse fikocewa ku ma bupingushi yakwa Lesa, pa kutanda icaibela pakati ka bantu, ifintu ifyo ba... Aba mimonekele ya bukapepa, no kukana Amaka yabuko, ukukane Cebo, ukwikatililafye ku micitile imo iyamipepele ya fisumino fimo ifyo umuntu umo abikamo, ukweshu ukulabika mu Cebo cakwa Lesa. Tekuti cibombe. Cintu capusana.

⁷⁶ Ndapunda ilelo, ngefyo cali, kuli kasesema umukalamba uwa kale, Amose, ilyo aingile mu musumba ulya, atile, “Nshili kasesema, nangu umwana wakwa kasesema. Lelo inkalamo nga yalila, nani uushingatina!” Atile, “Lesa nga asosa, nani uushingasesema.” Asobele ubupingushi pa nkulo ilya, atile, “Lesa wine muitunga ukubombela aka myonaula.”

⁷⁷ Mu cibike ici, cili pali tepu, kabili muleibukisha. Lesa ulya wine uo... Aba bantu abalelonganya nomba konse uku kusombola kukalamba ukwa-ukwa Kabungwe ka Calo aka Macalici [World Council of Churches—Kell Kabili no kwingila mukengilamo. Tekuti mube kunse yakako iyoo. Mukalafumamo umo umo pa lwakwe, nangu mukalaingilamo. Takwakabe ukuba pa kati iyoo. Lukaba lulembo lwa ciswango. Takwakabe umuntu nangu umo uwakushita nangu kushisha, kano fye uyo uuli no lulembo, nangu uukwete icapusana. Nomba, talukeniko kuli cena! Fumenimo! Fulumukenimo! Talukeni kuli cena! Lesa untu baitunga ukubombela akabonaula. Lesa mukulu uwa kutemwa uusha... .

Abati, “Cisuma, Yesu alipepele ukuti tufwile bonse ukuba fye umo.”

⁷⁸ Lelo Alisosele kabili ukuti, “Kuti mwaendela shani pamo, babili ukwendela pamo, ngatabalayene?” Atile “Umo,” nge fyo Wene na Wishi baba Umo. Kabili Wishi ali ni Cebo, kabili nao ali Cebo icamoneke. Ali “Umo” na Wishi, pantu Ali e kumoneka kwa Cebo icalailwe ica kwa Lesa. Efyo cili ne lelo line, nangu ubushiku bumbi. Ee, mukwai. Ulya Lesa ni Umo, Alefwaya nefwe tube umo.

⁷⁹ Inga ici kuti caba shani bu umo, *uyu* umo alekana ukufyalwa kwa muli na cisungu, kabili *uyu* umbi ena takana, ukukana ukundapwa kwa Bulesa, elyo *uyu*, *ulya*, bonse mu cimfulumfulu umusango ulya? Bamo muli bena nokucetekela muli Lesa tabacetekelamo, ukucetekelo kuti ali Mwana wa kwa Lesa; ukucetekelo kuti Ali Mwana wakwa Yosefe, *uwaleitwa* Umwana wakwa Lesa. Cine cine. Ba mpundu mubiye kuli ba Lutheran, abena Zwingili, bacetekelo kuti, Ali, fye mu cine cine umuntu musuma epela. Christian Science yatila Ali fye ni kasesema, ali fye muntu nga bonse abashala, Tali ni Lesa iyoo. Cinshi, nga cakuti Tali ni Lesa, ninshi Ali ni kabepa umukalamba nganshi uo isonde lishatala alikwatapo. Ali ni Lesa nga teifyo ninshi Tali nangu cimo. Ali wa Bulesa! Ali ni Lesa, Umwine, acitilwe ubuntunse mukati kesu, mu buntu bwa Mwana wakwa Lesa. Cacine, ifi eflyo Ali.

⁸⁰ Nomba twamona icaibela calisamo. Natwishibo kuti epo cili, takuli nangu umu uwingakana. Owe, ine! Moneni fye. Akonaula lilye bumba li itungu ukuti lilebombela Lesa. Mulelolekesha.

⁸¹ Lesa alimbile Ulubuto Lwakwe. Ndifye mukuleka, pantu ni nshita yakutendeka ukupepelela abalwele. Lesa atandile Ulubuto Lwakwe, elyo Ulubuto Lwakwe ni Kristu. Ndi no kushimikilapo pali ici mu nshiku fye shinono, apo Lesa asalile ukubika Ishina Lyakwe, Shikulu nga asuminisha, limbi pakulongana kumo ukwa cakulya ca lucelo nga nakwatako inshita ikalambako panono. Moneni, Wene e Nshila fye epela iya kupusukilamo. E Cilolo uwa cine fye epela. E Lesa uwa cine fye epela, takwaba umbi uku cila pali Wene. “Nine Lesa, kabili Lesa fye eka,” eflyo Asosele. Yesu atile, “Ifunde nili: Umfwa, we Israele, Nine Shikulu Lesa obe, Lesa umu fye mpo. Nine Wine. Cinshi ico mufwaila umbi? Umbi akese. . . Naisa mwi Shina lyakwa Tata, kabili tamwa Mpokelela. Lelo umbi akesa mwi shina lyakwe, kabili wene muka mupokelela.” Kabili eflyo bacitile ku Nicaea.

“Bushe uli mwina Kristu?”

“Ndi Baptist.”

“Bushe uli mwina Kristu?”

“Ndi Pentekositi.”

“Bushe uli mwina Kristu?”

“Ndi Methodist,” ishina limbi.

⁸² Lelo nga caisa kuli lilye shina lya kwa “Yesu Kristu,” balendelo kutali sana Ukulitaluka ngeflyo bengacita, tabafwaya nangu cimo icakucita Naco, pantu Wene Cebo kabili Icebo cilaisosele Cine. Moneni, Inshila fye imo iya kupusukilamo! Wene e Nsalankwale ya mu Sharone, Baibele yatile Eo. Umucinshi onse (muli Baibele) uwa kwa Lesa wakwa Yesu Kristu. Ali ni Alifa, Omega, Uwakutendeka kabili Uwa

kulekelesha; Uwalipo, Uulipo, kabili Uukesa; Umushila kabili Ubufyashi bwakwa David, fyonse Umushila no Bufyashi bwakwa David; Ulutanda lwa Lucelo, Nsalankwale ya mu Sharone, Cananika wa mu Mipoka, Alifa, Omenga, Tata, Mwana, Mupashi wa Mushilo, fyonse muli Yesu Kristu! Ali e ku moneka konse ukwa kwa Yehovah Lesa uwa citilwe ubuntunse ku kwikala pamo naifwe. Ifi fine fye efyo Ali!

⁸³ Ali ni Nsalankwale ya mu Sharone. Finshi ifyo bacitile ne Nsalankwale ya mu Sharone? Bali Ifikine, Yashonaulwa, pakufumyamo muli Yena amafuta ayanunke cena cisuma. Iluba lya nsalankwale ilisuma lifwile ukufikinwa pakufumyamo amafuta ya cena cisuma ukufuma mu nsalankwale. Kabili ulya wali Ubumi ubusuma, takwatalile akuba ubumi ubwaikele nga Yena, lelo Yalifikinwe pa Kalbale.

⁸⁴ Moneni, balebula ama-amafuta ya Nsalankwale ya mu Sharone no kubika pali Aaron, alesubwa nayo pakuya mu cinso cakwa Shikulu mu ncende ya mushilo, mu cipembe ca mushilo. Alesubwe Nsalankwale ya mu Sharone, pa kwingila mukukana icipuna caluse cila mwaka. Kabili kulya kusubwa kufwile ukuba pali wene, icena canunke cisuma kuli Shikulu, ukubika umulopa wa kana ka mpanga ku ntanshi yakwe, panama ninshi nao nakanwa ku mwana wa mpanga. Ama pomegranate elyo ne nyenjele ukushinguluka ifyakufwala fyakwe, aleendapo ulutampulo lumo, alelisha “wa mushilo, wa mushilo, wa mushilo, wa mushilo kuli Shikulu.”

⁸⁵ Moneni, Wene eilya Nsalankwale ya mu Sharone, cilya Cena icinunke cisuma, Ukusuba pa bantu Bakwe. Tekuti wise kuli Wene ne cisumino icili conse, nangu icintu cimbi icili conse, lelo kusubwa ne Nsalankwale ilya iya mu Sharone, Icebo. Elyo kabili Wene ni Cananika wa mu Mipokapoka.

⁸⁶ Nomba mucita shani pakupanga opium? Kuti mwapanga opium nga mwabula cananika no kufikina, ninshi mwakwata opium. Ba shing’anga balaibomfya mu ncende shilya bapiminamo ifya kupima pima. Nga mwabula umwaume uusakamikwe no kulengwe nsoni, atemwa umwanakashi, uulemfwa kwati alefwayo kufulungana, aleenda mung’anda no kulapunda, ali mu kufulungana, shing’anga ali no kubula tu opium twakwe utunono utwa cananika no kubika mu kuboko atemwa mu mushipa wa mwanakashi, nangu mwaume, kabili no kutalala ninshi batalala. Fyaleka pa kashita akanono. Lelo lilya line fye ilya opium yapwa amaka, fyabwela kabili, ukubipisha ukucila ifyo bali pakubala.

⁸⁷ Lelo ndemyeba, mwe fibusa, cilya cikope fye ica Opium mwine mwine ukufuma kuli Cananika wa mu Mipokapoka uo naishiba. Wene ni Cananika wa mu Mipokapoka. Alifikinwe pa Kalbale. Alashilwe pa fya bupulumushi fyesu, mu fipumo Fyakwe twaliposhiwe. Muli kulya, kulya kufikina kwa maluba,

Ali Liluba. Ali e Luba likalamba ilyo ilyatala alikulapo, ni uyu Cananika wa mu Mipokapoka, kabili iyi Nsalankwale ikalamba iya mu Sharone. Nomba Natanikwa muno bushiku, ukutanikwa pakati ka Myulu ne sonde, ndecetekela, Ali tanikwe pali ilya nshita, ntile, ku-ku kusenda ulubembu lwa calo no ku bwesha ukuposhiwa ku calo. Kabili Baibele itila ati Aba fye cimo cine mailo, ilelo, no muyayaya.

⁸⁸ We cibusa, ilyo Lesa aebele Mose, mu matololo, uwali cikope Cakwe, ukutumpule nsoka ya butale. Kabili umukuba wimininako ulubembu lwapingulwa, insoka imininako, *insoka ya butale* imininako “ulubembu nalupingulwa kale.” Ngefyo, *butale* “bupingushi bwa Bulesa,” pamo nge cipailo ca butale apo amalambo yalebikwa. Kabili nao Eliya aliloleshe no kutila imyulu yali ngo butale, ubupingushi bwa bulesa pa luko ulushitetekela ulo ulwaponene ukufuma kuli Lesa. Ubutale bwimininako ubupingushi, ubupingushi bwa Bulesa. Elyo insoka yaiminineko ulubembu ulwapingulwa kale; kabili Yesu ali eilya nsoka iya citilwe ulubembu pa mulandu waifwe, no kubika ifya bupingushi fyakwa Lesa pali Wene. Alashilwe pa fya bupulushi fyesu, afwantilwe pa mampulu yesu, ukulimunwa ukwa kutumwenamo ubutuntulu kwaponene pali Wene, na mu fipumo Fyakwe emo twapolela.

⁸⁹ Oh, Lesa ali ne mbokoshi Yakwe umwaisula Opium, muno bushiku, iyenu. We mwina Kristu munandi, uli uwalwala no kucula. Oh, uli uwafunshika, cili fye icakukosela nganshi. Teti ushipikishe ukuya patali, uli-uli no kuya iciyeyeye muli buno bushiku ubwafipya ubo tuleikalamo.

⁹⁰ Bushe mwacumfwako *Lifeline* muno bushiku, cilya ico baxisosa, ukuti-ukuti Russia asosele, mu '55, ukuti bali “no kubula ubutungulushi bonse ubwa calo fye conse umupwilapo?” Ilyo ico tacilacitika, Ukusendwa mu mulu kufwile kwaisa. Eico cipaleme shani, we cibusa? Cili fye pano pene nacipalama nganshi nomba.

⁹¹ Bushe tawa mufwaye Wene muno cungulo no mutima obe onse. Ni Cananika wa mu Mipokapoka, kabili Aba cimo cine mailo, ilelo, no muyayaya. Ali pano cino cungulo ku kuisansabika Umwine pakati ka bantu Bakwe, pamo nge fyo Mose atumpwile icishibilo ca-ca lubembu, ulwapingulwa. Kabili te lubembu lweka, lelo no bulwele. Ibukisheni, Yesu atile, “Ifyo Mose atumpwile insoka ya mukuba, eflyo no Mwana wa muntu akatumpulwa.” Mulandu nshi Mose aitumpwilile? Nipa lubembu, ukushitetekela, elyo napa bulwele. Yesu atumpwililwe, nao, pa lubembu, amalwele, elyo no kushitetekela. Ali fye icintu cimo cine.

⁹² Nomba, muno bushiku, mu nshiku ilyo tukwete ici icaiabela icikalamba, Yesu Kristu alilaile muli Luka, ukuti mu nshiku sha ici, ilyo Shikulu talaisa, cikaba ngefyo cali mu nshiku

sha Sodoma, kabili nelyo Umwana wa muntu akaisokolola Umwine, ngefyo Umwana wa muntu aisokolwele Umwine kuli Abrahamu kwisamba kulya; Elohim, Lesa, ukucitwa ubuntunse pakati ka bantu, no kwikala kulya pamo na Abrahamu noku mulanga, ukumweba ifyo Sarah aletontonkanya (uwaikele kunuma yakwe) mwi tenti, uo Ashatalile amonapo. Ukumweba ifyo ali. . . Nokumwite shina lyakwe, “Sarah.” “Abrahamu,” telilye-lilye shina lyakwe ilya Abram, ilyo atendeke nalyo, lelo Abrahamu. Te sarai iyoo, S-a-r-a-i; lelo S-a-r-a-h, “alikiwi umukashi obe, Sarah?”

Atile, “Ali mwi tenti ku numa Yenu.”

⁹³ Atile, “Ndi noku mutandalila ukulingana ne nshita ya bumi,” Elyo asekele. Atile, “Cinshi ico asekele?”

⁹⁴ Nomba, Yesu atile, “Ilyo uku kupusana ku kalamba takulalonganiwa no kocewa, ukuti Umwana wa muntu akaisokolola Umwine mu musango umo wine ngefyo Acitile pa nshita ilya.” Kabili neco e. . . Cinshi? Kutumpulwa, cipya cipya, mu menso yenu, ukuti Yesu Kristu cimo cine mailo, ilelo, no muyayaya. Bushe mwatetekela? Katukontamike imitwe yesu kanshi tupepe.

⁹⁵ Mwe Lesa, twa limutemwa. Icebo cenu ca-caliba cakulya nganshi kuli ifwe, Shikulu. Twalicitemwa! Twikalila kuli Cena, Shikulu. Cilemoneka ukuti amafumo yesu tayakumana nakalya. Tutemwa fye ukwikala pe tebulo lyenu, ukushinguluke Cebo Cenu, no kuipakisha mapalo, Shikulu, ilyo twaisa capamo mu musango uyu, ba munyina ne nkashi abo abashitwa no Mulopa ku Mwana wakwa Lesa, abo Umulopa Wenu washita. Kabili twaisa kuno muno bushiku, Shikulu, natupela ishi nshita sha bushiku ukupepelela abalwele. Kabili ukulingana na Malembo, Mwatile ukuti “ku filaso eko twapolele.” Tacilekabilwa no kupepa kanshi (kutumbula fye imembu shesu), pantu mufilaso fyenu emo (akale) twapolele. Oh, we bushiku bwe pusukilo we! Webu-Webulayo bwakwa Imanuele! Cine-cine ico Cinshinka.

⁹⁶ Mwatile, “Inshita inono, kabili icalo tacaka Mone kabili, lelo imwe muka Mona, ico Ine” (ishivi lya kuyeba ilya “Ine”) “Nkaba na imwe, kabili muli imwe, ukufika ku mpela ya calo.” Kabili pa mpela ya nshita, uku kusondwelela ku kalamba, Mwatile, ilyo fye tacilacitika, cikaba ngefyo cali ilyo umulilo taulaponena mu Sodoma no koca icalo ca Bena-fyalo, ukuti kukesha ubusokololo kabili ubwa Mwana wa muntu nga fintu cali pali Sodoma. Mwe Tata, lekeni abantu bepanya ici.

⁹⁷ Kabili napepa, mwe Lesa, pamo nga akantu fye akanono akashalinga, (nga nsosele ifyalubana, njeleleniko), ukutinta muli giya. Nalibatemwa, Shikulu. Nde-ndepepa ukuti becipanya. Lekeni ubu bushiku bube bumo ubwa pa nshiku ishikalamba, Shikulu. Lekeni umulwele onse, uulecushiwa, impofu, icili conse fye muno, Mwe Shikulu, baposhiwe muno bushiku. Lekeni

umubembu onse apusushiwe. Mu mitima yabo mwine nomba, nga cakuti bantu abashacetekela, kabili shibenga pokelela Kristu pali kano kashita. Cipeleni, Mwe Tata. Fyonse fili mu maboko Yenu. Twaipela kuli Imwe, ukumona Imwe mwise pakati kesu.

⁹⁸ Kabili Mwatile, muli St. Yohane 14:12, “Uuntetekela, imilimo iyo Ine ncita nao akacita.” Ifyo twaishiba ukuti Mwailengele mwe Bene ukwishibwa ku bantu, pantu Nimwe mwali ulya kasesema Mose asosele ukuti akema. Tabakwetepo ba kasesema pa myaka imyande ingi, ukuibela kwali fye konsekonse, lelo nangu cibe fyo Icebo cakwa Lesa califikilishiwe; eico Icebo caishileba ubuntunse, icaibela naco ifyo fine eflyo caishileba. Kabili, Mwe Tata, twacimona kabili ilelo, icaibela cileisa mukuba umwanshi umo uukalamba; kabili twamona Icebo naco cileisa mu musango umo wine. Tupaleni muno cungulo, Tata. Twaipela kuli Imwe, pamo ne Cebo cenu. Conse ico Imwe mulefwaya ukuti ifwe tucite, citileni pamo naifwe, Shikulu. Mwi Shina lyakwa Yesu. Amen.

⁹⁹ [Nkashi umo alandila mu lulimi lumbi. Apa tapali mashiwi pa tepu –Ka.] Umucinshi nganshi. Tatwishibe ifyo Alandile. Limbi kuti Alefwaya ukutwebako fimo, eico beni fye nakatina nganshi pa kashita fye akanono. [Tapali mashiwi pa tepu. Munyina umo apela ubulondoloshi –Ka.]

¹⁰⁰ Amen. Bushe mwalitala amubelenga [Tapali mashiwi pa tepu–Ka.] Ilembo uko umulwani aleisa, elyo bonse bali na balongana capamo, kabili bali...umulwani ali uwa maka nganshi. Elyo no Mupashi wakwa Lesa wawilile pa muntu, no kumweba, kabili aliseseme, no kulanda ukwa kuya kabili nokuya lolala, kabili balyonawile umulwani wabo. Ico caisa na kabili. Kuli incende iyakonaula umulwani wenu, mwamona, buleni ukuboko kwa kwa Lesa. Ukuboko kwa kwa Lesa ni Kristu, nakuba, Cebo, eico mubike co mu mitima yenu cino cungulo ilyo twalaita abakupelelwa.

¹⁰¹ Ndecetekela Billy acifolesha na kabili amakadi ya ku pepelelwapo ilelo. B, ama B, katubule B, 85. Ubushiku bwafumineko, twakwete ikumi na basano ubushiku bwafumineko. Ilingi line twesha ukubula ikumi na basano cila bushiku. Eico nomba mwikate amakadi yenu, twalapoka, nomba. Katweshe nalimo ikumi na basano. 85. B, kwati ni Branham, namwishiba. B, 85 ukufika pa 100. Kabili tu... Katumone, nani akwete B, 85, imyako ukuboko kobe. Uli, uwashininkisha... Oh, kunuma, cisuma, 85 isa kuno.

¹⁰² Nomba, umwana wandi...pakuti limbi muli abeni muno, abo abashingeshiba ifyo ici cicitika. Umwana wandi alesha kuno, atemwa umuntu umbi; nga cakuti ena teshileko, Munyina Borders, nangu umbi. Umo muntu ali nokwisa kuno, no kubula aya makadi, umwanda umo, no kwiminina ku ntanshi ya bantu

ukuyafundawila pamo. Elyo nomba amipela kadi, tekuti amyebe ukuti muleisa mwise kuno ku ntanshi, teshiba ifyo iyoo. Kabili naine wine nshishiba iyoo. Njisa ubushiku, no kubulapo fye nalimo ikumi limo atemwa ikumi limo na basano, mumo, mu makadi. Ifi taficita akantu nelyo kamo pa kundapwa kwenu. Kuti mwaikala fye uko kwine. Moneni, mailo ubushiku. Nibanga abaliko kuno mailo ubushiku, tumone ukuboko kwenu? Ifyo abantu baposhiwe bonse mukulongana konse!

¹⁰³ Nomba, ilya yaciba ni 85, 86, 87, 88, 89, 90. Katuleke bese nomba line. B, 85, 86, 87, 88, 89, 90. Iyo nga yaciba imo. . . Cacine, tulefwaya iya muntu umo. . . Imbi iyi ili apa, ee, ico calalungama. 90, nomba 90 ukufika pa 100. 90, 91, 92, 93, 94, 95, 96, 97, -8, -9.

¹⁰⁴ Nga cakuti teti mwende, nga muli. . . Nimona natukwata fibili, fitatu ifi cinga fya balemana muno nomba, fili fine, ndecetekela, eflyo namona. Nga na mukwata kadi wakupepelelwapo, elyo-elyo inambala yenu yapundwa, kabili tekuti mwende, kuti mwaimya fye ukuboko kwenu, tuleisa ikunkulushisha kuno.

¹⁰⁵ Kabili nga tamukwete kadi wakupepelelwapo, mwikale fye uko kwine no kupepa, mutile, “Mwe Shikulu Yesu, lekeni-lekeni-lekeni mbe nine cino cungulo.” Nibanga muno abashikwete kadi wa kupepelelwapo, imyeni amaboko yenu. Oh, Mwe! Cisuma, natusose fi, ndesubila tacaumfwike umusalula iyoo. Lelo kwaliko umwanakashi umunono inshita imo kuti twatila, takwete kadi wakupepelelwapo. Aile aleituninkisha mukati ke bumba, atile (nomba mumfwikishe), “Nga cakuti nakumya kwi laya lya ulya Muntu, ndepola.” Nibanga abaishiba ilyashi? Cisuma. Kabili Cinshi ico umwanakashi acitile? Ali Mukumishe, afumapo no kuyaikala. Kabili Yesu alipilibwike, Alishibe ukwali umwanakashi. Bushe ico cacine? Alishibe ubwafya bwa mwanakashi. Bushe ico cacine? Alishibe ubwafya bwakwe, eico aebele umwanakashi ubwafya bwakwe. Kabili umwanakashi alyumfwile mu mubili wakwe ukuti umulopa nauleka ukufuma. Bushe ico cacine? Mulandu nshi? Alimukumishe.

¹⁰⁶ Nomba, ni banga abena Kristu muno buno bushiku abo abaishiba, ukulingana na ba Hebere, Ibuuku lya ba Hebere, ukuti Yesu ino ine nshita ni Shimapepo Mukalamba, Shimapepo Mukalamba uyo uwingekatwa ku kumfwa kwa kunaka kwesu? Bushe Eo? Cisuma, Nga ni Shimapepo Mukalamba umo wine, umulimo umo wine, Shimapepo Mukalamba, nga pali nomba kuti Acita shani? Kuti Acita fye fimo fine ngefyo Acitile pa nshita ilya. Bushe mwatetekele co? Kuti acita fye fimo fine ifyo Acitile lilya, nga cakuti mwatetekele co. Cisuma. Nibanga abacetekele co, imyeni amaboko yenu, abatila, “Ine natetekele icine cine.”?

¹⁰⁷ Cisuma, intanshi tabalapanga umulongo wakupepelelwamo, katukwate umulongo wakupepelelwamo kunse uko. Ninjishiba

Ali pano. Ine-Ine-Ine naumfwa Umulola Wakwe, kabili na-naishibo kuti Alipano, Iseni. Umulongo wakupepelela wateyanishiwa? Naciba no kwita kulya kunse. Mule-mulepepa fye, muloleshe fye uku lubali no kupepa, Mucetekele fye.

¹⁰⁸ Cikashana umunono uwikele apa uulendolesha, ekele mupepi no mukashana ulya afwele amakalashi. Bushe tamulemona Cilya cilepelela pa mulu wa mwanakashi ulya? Lolesha kuno. Mwamona? Alecushiwa no bwafya bwa mutima. Watetekela ukuti Lesa alakuposha. Nga watetekela, imyako ukuboko kobe. Bulya e bwaciba ubwafya bobo. Cishinke co. Nomba nga cakuti ubu e bwaciba ubwafya bobo, imyako ukuboko kobe pakuti abantu bamone, imya ukuboko kobe ifyo fine. Nomba, tauli nabo nomba iyoo. Icitetekelo cobe cakuposha.

¹⁰⁹ Aba fye cimo cine mailo, ilelo, no muyayaya. Oh, kwaliba icaibela; lelo Yesu kristu aba cimo cine mailo, ilelo, no muyayaya. Bushe ici... Nomba twalilileni fye ukupepa, mwamona, tamufwile ukuba kuno kuntanshi, pakuti mwingeshiba.

¹¹⁰ Nomba, uyu mukashana. Ukulingana nefyo njishibe, nshatala mumonapo mu mweo wandi, ali fye mwanakashi uwiminine pano, kabili nakwata icikadi cakupepelelwapo, kabili tawacishiba nga cakuti uleisa witwe nangu iyoo. Umuntu umo acikupela fye icikadi cakupepelelwapo, elyo inambala yo-yobe yapundwa, eico nawisa kuno kuntanshi. Bushe ico cacine? Kabili nshikwete inshila nangu imo iya kwishibilamo ifyo waba, nga niwe nani, uko ufumine, ico ulefwaya, nangu fye cimo pali ci. Ndi mwaume fye, iwe uli mwanakashi. Cacine co. Ici cikope cimo cine calishile inshita imo mu Baibele, St. Yohane, chapitala 4.

¹¹¹ Nomba kuti mwatila, “Finshi wacita, Munyina Branham, nomba line, akashita kapitapo.” Ukutinta fye muli kalya ka giya akanono, mwamona. Nshishibe, mwamona. E ufwile ukucita. Nshishibe. Nga ulya mwanakashi ali kulya acicita shani? Nshatala mumonapo ulya mwanakashi mu mweo wandi. Mweni saana kuli ine. Ndecetekela aciba mwanakashi. Ninani ulya muntu aciposhiwa nomba line uko mwi bumba? Imya...Ee, bushe tuli beni kuli umo no mubiye? Ico nga cishinka, sokonya ukuboko kobe *filya*. Mwamona? Nshatala mumonapo umwanakashi. Lelo acikala uko, no kutetekela. Nomba, acikumya Icintu cimo, bushe tefyo acicita? Ukukumya ine nga tacacicita icisuma nelyo fye cimo.

¹¹² Lelo nomba bushe tekuti mumone ukuti Baibele cine cine cebo cakwa Lesa? Aba fye cimo cine mailo, ilelo, no muyayaya. Tuba ama hema yaulya Mupashi wa Mushilo uuli ni Kristu. Mwamona? Ulo e Lubuto lwa cine. Lyena nga cakuti ulya Mupashi wa Mushilo uwa cine waingila mu Lubuto ulwa cine ulwa Cebo, te... Tekuti lusendeko fye ulubali lwa Cena (pantu, Ciwa abomfya Ico), mufwile uku Cisenda fye conse, mwamona,

Icebo caciko conse; pantu, Lesa taba hafu, Aba fye Lesa onse. Mwamona? Kabili neco e cicitika.

113 Nomba, kuno kuli umwanakashi, Nshatala mumonapo. Inshita imo Yesu alisangile umwanakashi ngefi, limbi te musango umo wine, nshishibe. Kabili aikele pa cishima. Wene-Wene-afwaile ukuya ku Samaria. Kabili tulesanga, Samaria yali mwisamba lya kapili. Kabili-kabili aleya ku Yeriko, ntile, kabili Apitile mu Samaria, kabili atumine kufika ku musumba wa Sychar. Kabili aikele pa cishima, no kutuma abasambi Bakwe ku kufwaya ifyakulya.

114 Mwaba imitundu ya bantu inga mu calo? Itatu. Hamu, Shemu, elyo na bantu bakwa Yafeti. Ifwe bonse twafuma kuli Noa. Kabili isonde lyonse lya lyonawilwe pali ilya nshita. Mitundu fye itatu iya bantu, umu Yuda, umwina Fyalo, elyo no mu Samaria (uwali mu Yuda no mwina fyalo). Kabili iyi ine e mitundu epela iyaba mu calo, mwamona, itatu fye.

115 Icintu conse muli Lesa cipwililika muli fitatu. Pamo nge fi fitatu nacilasosapo muno bushiku; ifiputulwa fitatu ifya capusana, mu fiputulwa fitatu Icebo cacitilwe ubuntunse, na fimbipo. Mwamona?

116 Nomba, kabili Wene-Wene uwalandile ku ba Yuda, Aebele Filipi, ilyo aletele Natanaele, kulya kuntu ali, no kutila, “Nali nimumona ilyo aciba mwi samba lya cimuti.” Aebele. . . Andrea aletele Petro, Atile, “Ishina lyobe niwe Simone, kabili wakulaitwa ‘Petro’ ukufuma pali nomba na lyonse.” Atile, “Niwe mwana Yona.” Mwamona? Nomba, bonse balya bali ba Yuda.

117 Nomba apa Aya ku mwina Fyalo. . . Teku mwina Fyalo, lelo umwina Samaria.

118 Nomba ni nshita ya Benafyalo. Tatalile acitapo cilya inshita nelyo imo ku Benafyalo. Mufwaye mu Malembo. Nakalya. Lelo Alilaile, muli Luka 22, ukuti Akacicita ilyo talati Ese.

119 Lelo Naikala palya, elyo kwaisa hafu umu Yuda no mwina Fyalo, umwanakashi. Kabili Atile kuli wene, “We mwanakashi, Ndetelako amenshi.”

120 Elyo umwanakashi atile, “Ninshi, taufwile ukulomba ico, saana. Twaliba. . . Kwaliko ukupatulukana kumo. Iwe uli mu Yuda, kabili-kabili Ine ndi mwina Samaria.”

121 Atile, “Lelo awishiba Uo ulelanda nao, nga wa Nomba amenshi.” Cinshi ico Alecita? Kwikatanya umupashi wakwe. Kabili lilya line fye Asangile ubwafya bwakwe, cisuma, Amwebele ukuyaleta umulume wakwe. Umwanakashi atile takwete nelyo umo. Atile, “Ico cishinka, wali na basano.”

122 Nomba, moneni, ilyo aba Fariseo ba Mumwene acita cilya. Palya, cilye capusana palya pene pakati ka Cebo, batile shani? Batile, “Uyu Muntu ni Beesebuli, kabuka.” Mwamona?

123 Na Yesu atile, “Uyo onse uukalanda ifyo pa Mupashi wa Mushilo ilyo Ukesa mukucita cimo cine, takalekelelwe.” Icapusana cenu ico. Mwamona? Lelo Atile pali ilya nshita Alebalekelela, pantu Umupashi wa Mushilo wali taulaisa; Ilambo, umwana wa Mpanga ali talafwa.

124 Lelo umwanakashi wene tatontonkenye filya. Umwanakashi atile, “Mukwai, namona ukuti Muli kasesema.” Tabakwetepo kasesema pa myaka imyande ingi. Atile, “namona, Nimwe kasesema. Nomba, twalishiba ukuti Messia, uwitwa Kristu, ilyo Akesa, ifi eflyo Akacita.”

125 Cisuma, nga cakuti filya eflyo Acitile, kanshi Aba cimo cine mailo, ilelo. Ifi eflyo Ailengele ukwishibikwa Umwine pali ilya nshita, bushe tacili fye cimo cine ne lelo? Cifwile ukuba! Nomba, pano napo umwanakashi no mwaume bakumana kabili. Uyu teulya mwanakashi iyoo, naine teulya Mwaume. Lelo nangu cibe fyo Umupashi wa Mushilo umo wine uli pano, no kupanga ubulayo ukuti imilimo iyo Acitile, naifwe tukacita imo ine mu nshiku ilyo Umwana wa muntu akasokololwa.

126 Nomba, ukwabula ukukwishiba (kabili nawishibo kuti ico cishinka), tuli fye abeni icine cine, elyo nawiminina pano. Pali fimo. . . Limbi kuli icilubene kuli iwe, limbi takuli, nshishibe. Lelo nga cakuti Shikulu Yesu alansokolwela, ku Mupashi wakwe uwa Mushilo, ubwafya bobo, bushe lyena uletetekela Ukuti Mwana wa kwa Lesa, kabili te muntunse iyoo? Ici cipapa fye, *ili* hema ilyo-ilyo Lesa abomfya, onse uo Asala. Wene—Wene acite co ku kusenamina ukwapulamo no kusala. Eico, nomba utetekele. Walatetekela? [Umwanakashi atila, “Ameni”—Ka.]

127 Ni banga mwi bumba abala citetekela? Kuno twaiminina bonse kuno kwine ku ntanshi ya Lubuuto, ukuti tatwatala atukumanapo muli ubu bumi, nshikwetepo ukwishiba nelyo kumo ukwa kuti ulya mwanakashi nani, ifyo aba, uko afumine, ifyo alefwaya. Nshatala mumonapo mu bumi bwandi, pamo ngeflyo nshatalile monapo ulya mwanakashi ekele *palya* mu bumi bwandi. Lelo, moneni. ici eco ndeesha ukucita: ukufumyapo cilye capusana pali imwe nomba, elyo ukucetekele Cebo ilyo Icebo cacitwa ubuntunse muno mwine mukati kesu. Icebo ukube ca mweo mu mibili yesu ine, ico icilangisha Ukubapo kwa kwa Lesa.

128 Nomba shi Engacipela kuli wene. Alefwaya icintu icikankala nganshi. Ni ng’umba, alefwaya umwana. Ali ne myaka ukulingana na makumi yane. Mu cine-cine ico tacili icakosa nakalya.

129 Nabekala kulya ino ine nshita, banakashi abali ng’umba imyeo yabo yonse, no kwisa kuntanshi nge fi fine, na Shikulu abapela abana. Bamo imyeni amaboko yenu uko mwe beshibe. Mwamona? Mwamona? Naliimya aka kashana akanono ubushiku bumbi, pa Mulungu, panuma nafumine kuno,

pa Mulungu akasuba; abo banyina bali ni ng'umba, Shikulu alisosele. Kabili aka kashana kanono, aka kashana kasuma nganshi, bushe emo kali muno? Kekele pesa? Yeah, aka kali apa, kekele pa . . . Ndetontokanya, pali ba nyina abekele palya. Aka mukashana aka, akene. Mwakamona? Kali Cebo icasoselwe ukufuma kuli Lesa.

¹³⁰ Nomba, bushe wala Mutetekela no mutima obe onse? Bushe watetekela ukuti ilyo ilyo ipalo wakwata, ilyo waumfwa mukati kobe nomba line, ni Lesa ayasuka? Nga cakuti Lesa anjeba ishina lyobe, pakuti ukenike umwana, bushe uletetekela? Kanshi, Muka. Thompson, kuti waya ku mobe no kukwata umwana obe, nga uletetekela no mutima onse.

¹³¹ Bushe watetekela no mutima obe onse? Ukwate fye icitetekelo, witwishika iyoo, utetekele fye Lesa. Lesa ni Lesa.

¹³² Muli shani, mukwai? Ndesubila naimwe bene tatwaishibana, iyoo. Inshita nacimimonapo fye mu bumi bwandi, ukulingana nefyo njishibe, ni lilya mwacilaisa kulya. kabili nacitontokanya ukuti nimwe banalume wakwa Munyina Shakarian, nangu nani . . . Mashagian, Munyina Mashagian, kemba wa nyimbo, lintu mwacilaisa. Elyo kabili nacimumona muleya ku mulongo wakupepelelwamo. Nomba, pakuba umweni na imwe, kabili, nangu kuli imwe, elyo naine wine ukuba umweni, imbali shonse. Nomba, nga cakuti Shikulu Yesu alanjeba fimo ifyo mwa-ifyo mwaba, limbi ifyo mulefwaya, natusose fye ifyo; ukumweba ifyo, ukunjeba ifyo mulefwaya. Nomba, Alimipela kale. Icilefwaikwa fye icitetekelo icalinga ukucicetekela.

¹³³ Nomba, nibanga abaumfwe co? Icitetekelo fye icalinga ica kucetekelo kuti naupokelela ico walomba! Mwamona?

¹³⁴ Nomba, nomba, nga mwishile kuno ku kufwaya icintu cimo, elyo Anjeba ifyo mulefwaya, kabili na mwishiba ukuti ine nshishibe ico mulefwaya, lyena kanshi ninshi pali Cimo kuno icilecite fyo. Nomba, ukulingana ne Cebo, Alilaile ukucita ico. Aleishiba amatontokanyo mukati ka mitima yabo. Bushe ico cacine? Cisuma.

¹³⁵ Mulefwaisha saana ukuposhiwa. Icintu cimo, mulalwala ulukanko, ukukanka icine cine. Ico cishinka. Icintu cimbi, mulacushiwa ne numa, kabili iyo numa yalibipisha pa nshita ntali, kabili no kubombela mwalibombelwapo pali yena. Ico CISEMO CAKWA SHIKULU. Cacine co. Mwamona. Ico cishinka. Kabili icintu na cimbi nici, ukufwaisha kwenu saana, ni uku, mulefwaya ukupokelela ulubatisho lwa Mupashi. Ico cacine saana. Iseni kuno.

¹³⁶ Mwe Lesa, mwi Shina lya kwa Yesu Kristu, uyu muntu shiengesulamo no Mupashi wa Mushilo, ilyo talati afume pali ishi mpanga, mwi Shina lya kwa Yesu. Ameni.

Nomba Cipokelele, munyinane. Ukwate fye icitetekelo, witwishika iyoo.

137 Muli Shani? Ndesubila, ukulinga ne fyo njishibe, ukuti tuli beni kuli umo no mubiye. Ico nga cacine, ninshi, pakuti abantu beshibe, imyako fye ukuboko kobe pakuti bamone ukuti tatwaishibana. Nshatala mumonapo mu bumi bwandi, ukumwishiba. Kabili ndeelenganya nao tatala amonapo, kano fye ninshi mu cintu bwingi. Pantu Shifwe wamu Mulu naishiba, kabili ne Cebo Cakwe ici cili pano, ukuti nshatala mumonapo umwanakashi, ukumwishiba, mu bumi bwandi. Eico, tekuti njishibe ico wishile kuno, nshikwete ukwishiba nelyo kumo nga niwe ani, finshi, nangu fye icili conse pali iwe. Tekuti nkwebe icintu nangu cimo.

138 Icintu fye cimo, ca bupe fye. Nga cakuti na...Nge fyo mwacing'umfwa ndelondolola pali ico akashita kapitapo. Kuselako fye, no kumfwa ifyo Asosa; ico namona, kuti nacisosa. Ico Ashilandile, tekuti nande. Kuti nacisosa palwandi, kabili kuti caba icalubana. Mwamona? Kuti calubana. Lelo Wene nga acisosa, ninshi ca cine-cine nganshi. Tekuti citele, kabili tacatala acilubanapo. Tacakatale acilubanapo apo fye aikalila ukuba Lesa. Mwamona? Mwamona, pantu Lesa tekuti alufyanye.

139 Lelo nga cakuti Lesa kuti anjeba ico ulefwaya, ico ulekabila, nangu-nangu ico wishile kuno, ifintu fimo ifyo wacita, nangu icintu cimbi, ifya musango uyo, nangu ishina lyobe, uko ufumine, nangu fyonse ifyo Alefwaya ukunjeba, kuti watetekela? Natasha.

140 Cimo icintu, walikwata ubwafya na makasa yobe. Amakasa yobe yalakucusha. [Umwanakashi atila, "Ee"—Ka.] Ico cishinka. Imyako ukobe...Walikwata ubwafya bwa canakashi, ukulubana kwa bwanakashi. ["Ee"] kabili naukвата ukufwaisha ukukalamba saana mu mutima obe, pantu walilufya umuntu umo nangu icintu cimo. Mulumendo, kabili umulumendo obe alifuma pa ng'anda, alibutuka, nomba ulefwaya ukuti mpepe pakuti akabwele. ["Ee"]

141 Mwe Lesa mu Mulu, tumeni mwane kuli wene. Lekeni Mupashi wa Mushilo emike yena cilumendo pa nshila muno bushiku, Shikulu, mubwesesheni kuli nyina. Mwi Shina lya kwa Yesu. Amen.

142 Wene Uwaishiba alemubweseshi kuli iwe. Wisakamana iyoo. Tetekela nomba, witwishika. Kwata fye icitetekelo, umutima obe onse. Utetekele, nao Lesa alepela fyonse ifyashala.

143 Nomba, ifyo fine fye ifyakulingulula fitatu atemwa fine, ukulingana no musango onse fyacibelamo, mwamona, nanacilaya fye mpaka naleka ukumona. Tekuti nondolole ico, tapali inshila ya ku cilondolwelamo. Mwatila, "Ulepilibulo kuti, ifyo fine fye fyakunasha saana ukucila pafyo washimikila uko ba mineti amakumi yane na basano atemwa ukucilapo, uletontokanya?" Ee, mukwai. Nangu fye ayaba ama awasi yatatu, tekuti cibe nge fi.

144 Umwanakashi akumishe kwilaya lya kwa Shikulu Yesu. Nomba ine aba bantu tabalenkumya iyoo. Cinshi, uyu mwanakashi kuno, lolesha kuno, kuti a . . . [Munyina Branham aeba umwanakashi, “Bika amaboko yobe pali ine, mwamona.” — Ka.] Anjikata konse konse, tacicitile akantu nelyo kamo, ndi muntu fye. Lelo afwile ukukumya Wene. Na ine, ukupitila mu cabupe, ku-ku . . . ciya fye, ne mwine ukufumapo, elyo nalanda fye ifyo namona. Mwamona? Epela fye. Wene ukukumya ine tacipilibwile akantu nelyo kamo, lelo akumya Yesu ukupitila muli ine. Efyo ulya mwanakashi akumishe Lesa ukupitila muli Yesu, ilyo Wene ashaishibe icalubene kuli ena. Akumishe fye kwi laya Lyakwe, aya no kuyaikala. Elyo Atile—kabili Atile, “Nani Wankumya?”

145 Kabili abatumwa batile, “Cinshi, bonse bale Mukumya. Cinshi ico Mwalandile fyoo?”

Atile, “Naumfwa ukuti amaka yafumamo muli Ine.”

146 Nomba, mwaliyeshiba amaka? Ubukose. Anakwike pa mwanakashi umo fye uku Mukumya, elyo Ali Mwana wakwa Lesa. Nga kuli ine kuti caba shani ne mubembu uwapusukila fye ku luse Lwakwe. Namwishiba ico cacililapo? Pantu Atile, “Ifi fintu ifyo Ine ncita, naimwe mukacita. Mukacita ifingi ukucila apa, pantu Ndeya kuli Tata.” “Ifikalamba,” efyo Calanda palya, lelo ukwilula ukwalungama ukwa ci Greek kwa kutila, “Mukacita ifingi ukucila apa.”

147 Nomba, umukashana nshamwishiba iyoo. Nshishibe icintu nelyo cimo pali wene. Ali fye umweni kuli ine saana pamo fye ngefyo bambi abantu baciba. Tuli abeni kuli umo no mubiye. Pakuti abantu beshibe, kuti waimyako ukuboko kobe, utile “tatwaishibana.” Nomba, Umwana wa kwa Lesa, nga cakuti Wene inshita imo akumenye umwanakashi mu musango uwapalanako ngefi, pa cishima, kabili Alandile kuli wene pa kashita akanono, kabili Aishibe apali ubwafya bwakwe, kabili Alimwebele ifyo ubwafya bwakwe bwali. Eico aishibile kuli ico, ukuti ulya nina ni Messia. Nomba pakuti-pakuti ni . . . Naunkumya, naine ninkukumya, elyo tapali nangu cimo icicitike. Lelo nga cakuti icitetekelo candi (ku cabupe) elyo ne citetekelo cobe (pa kutetekela muli cena) kuti fya Mukumya, kabili kuti Alandila muli ifwe ku . . . muli ine ukusosa kuli iwe, lyena ninshi nawishiba ukuti Ali pano nge fyoo Ali pali cilya-cilya cishima ku Sychar. Mwamona? Aba fye cimo cine mailo, ilelo, no muyayaya. Watetekele co?

148 Uli na mafya ayengi nganshi, amacushi ayengi nganshi, amafya! Cimo pafikalamba ico ulefwaya ukukupepelelako bulwele bwa kukalipwa mu filundwa fya mubili [arthritis—Kel.] Ico cishinka. Cishinke co? Uleuminina ku bulwele bwa mu filundwa. Nga wamona wimyeko ukuboko kobe . . .

149 Kabili wacilaenda panono panono, ukulingana no kwibukisha kwandi. Limbi talalolelako panono fye, limbi kuti pasoswa icintu na cimbi icalafumya ici. . . Kunse kuno, mu—mulomfwa ifintu; abantu, namwishiba, kwati mupu uleisa ku Kucicilinganya. Balalanda ukuti, “Cinshi, aelenganya fye filya,” nangu, namwishiba, ifya musango uyo.

150 Lelo, ulemoneka ukuba umuntu musuma, soshanya naine pa kashita fye akanono. Katwiminine apa panono fye, pantu ndetontonkanya palipo icintu na cimbi icili mu mutima obe ico ulefwaya ukufuma kuli Lesa. Nomba, ine tekuti njasuke ipepo lyobe, lelo Wene kuti acita. . . Pantu, nga watetekela, na casukwa fye kale. Lelo nga cakuti ulefwaya fye ukutetekela; ukukulenga ukutetekela. Nomba, ndekweba, cikumine umo umutemwikwa uyo uushili muno, noyu ni ndume yobe, kabili ulya ndume yobe taba nangu ni muli cino calo iyoo. Aba ku calo icabela ku menshi, ba bamba abengi. Kuti natila kwati kumo ukwapala nga mu Michigan nangu kumo. . . Ee, ku Michigan ekoabela. Kabili alacushiwa no bulwele ubwabipisha ubwipaya, nobu bulwele bwa mfyo ubushiposhiwa ebo alecushiwa nabo. Ico cacine, teifyo fine? Ico CISEMO CAKWA SHIKULU. Nomba, akatambala ako ukwete mu kuboko kobe, ako wacimya kuli Lesa, ukatume kuli ndume yobe no kumweba uku kanatwishika, lelo ukutetekela, kabili ico cili, aleposhiwa nomba nga cakuti watetekela.

151 Watetekela no mutima obe onse? Mwamona, kanshi, nga watetekela, kuli fye icintu cimo icakucita, neci, kucipokelela fye umupwilapo. Bushe cacine co?

152 Nomba mwasosa amuti, “Alefimona fye filya, aba bantu. Efyo alecita, kubalolesha fye.” Mulafimone fyo saana!

153 Lelo pakuti tamwaiishiba ici. . . Uyu mukashana ali apa, isa kuno lubali, mukashana, apa, we mulwele, fyonse ifyo uli. Nshilemulolesha iyoo. Ulecekela ukuti Lesa kuti ansokolwela ubwafya bobo? Nga wacetekela, imyako amaboko yobe, uyu mukashana ali apa, uyu mukashana ali apa, umulwele. Ee. Ee. Cisuma, lyena nga cakuti uletetekele co no mutima obe onse, ubo bwafya bwa asima tabwakakucushe libili. Cisuma, kabiye kumobe no kutetekela uko kundapwa nomba.

154 Lolesheni fye, ico camoneka. Mwamona, Ali. . . Lolesha *uku* lubali, icimonwa epo cili te mulandu na conse icingacitika. Amen! Bushe tekuti mucimone? Icapwililika fye bwino bwino nge fyo Lesa engaba uwapwililika!

155 Watetekela, naiwe? Asima kuti yafumapo, napali iwe wine, bushe tekuti ifumepo? Watetekela yalafumapo? Cisuma, kabiye kebe Shikulu Yesu ukuti-ukuti nau Mutetekela.

156 Ubushiku bumo ukalaenda ne nkoto i-inono nga cakuti ubulwele bwa ma arthritis ubo bwakulemanika, lelo tabwakakulemanike iyoo. Taulete, tauletetekela ukuti efyo,

nautetekela? Watetekela walaba bwino? Kabiye mu nshila yobe, na Yesu Kristu akuposha.

¹⁵⁷ Ubulwele bwaku mutima bulepaya abantu, lelo iwe tabufwile bwa kwipaya. Watetekela ukuti Lesa alakuposha, no ku kulenga ukuba umutuntulu? Kabiye nutetekela no mutima obe onse, utile, “Napwisha ukupepelela pali ici.”

¹⁵⁸ Ulalanda Icingeleshi? Ulomfwa Icingeleshi? [Munyina Branham atila, “Umo ese.” Uwakwilula aisa —Ka.] Ee, cisuma. Bushe walaeba uyu mwanakashi ifyo Nalamweba? Mwebe ukuti nga alatetekela, ukucushiwa kwa mumala kwalafuma pali wene. Ala-alatetekela? Nokukalipwa kwa numa yobe kwine kwalafuma pali iwe, nako, eico nomba kuti waya mu nshila yobe no kuposhiwa.

Muli shani? Watetekela? [Umwanakashi atila, “Ee, mukwai.” —Ka.]


¹⁵⁹ Ulya mwaume ekele palya no kucushiwa kwa numa, andolesha lintu nasosa filya. Kutu aposhiwa, nao, nga cakuti mwacitetekela, mukwai. Cisuma, mukwai.

¹⁶⁰ Cikashana ekele ukukonka pali iwe apo, ukwete ukucushiwa kwa mukoshi, bushe tefyo, mukashana? Watetekela ukuti Lesa alakuposha? Ulefwaya ukubika iminwe pa mulumendo munono pa mulandu wa makufi yakwe, ukuti aposhiwe, nao. Watetekela? Wacikwata ukucushiwa kwa bwanakashi, ukucushiwa kwa cikashana, nomba taukwete iyoo. Icitetekelo cobe nacikuposha no kukulengo mutuntulu.

¹⁶¹ Bushe mwatetekela Yesu Kristu, cimo cine mailo, ilelo, no muyayaya? Kanshi katubike amaboko yesu pali umo no mubiye no kupepa ili pepo lya citetekelo, cilamuntu muli ifwe, tupepe ipepo lya citetekelo.

¹⁶² Mwe Lesa, ilyo tucili natufimbwa mu Cinso Cenu Cabulesa, Ukumumona muleenda mukati ka cintu bwingi, ukuposha abalwele konse konse. Imwe nimwe Lesa. Napepa ukuti mundape icintu bwingi ici conse. Lekeneni umupu wa kwa Lesa wikile cipya-cipya mu mitima yabo, kabili mubalenge beshibe ukuti inshita ilepwa. Tuli fye ne nshite inono iyakuba pano, elyo tuli no kuyaba na Wene Untu twatemwa. Kabili lekeni nomba Icinso Cakwe cilete ukuposhiwa kuli cilaumo umo.

¹⁶³ Twasusha Satana, twasusha imilimo yakwe yonse. Mwi Shina lyakwa Yesu Kristu, Satana, fuma pa bantu.

¹⁶⁴ Bonse abale Mutetekela nomba, no kupokelela ukuposhiwa kwenu, iminineniko, mutile, “Naiminina nomba ukupokelela ukuposhiwa kwandi. Natetekela.” Nangu imibele yenu ibe shani, nga cine cine namutetekela, iminineniko. Nomba imyeni amaboko yenu, no kutila, “Natotela, Shikulu Yesu, pakumposha.” Lesa abe nemwe. 

ULUBUTO ULWAIBELA BEM65-0118

(The Seed Of Discrepancy)

Iyi Mbila ukufuma kuli Munyina William Marrion Branham, yabalilepo ukuletwa mu Cingeleshi pali Cimo icungulo, Mukabengele pa 18, 1965, pa Westward Ho Hotel, mu Phoenix, Arizona, U.S.A., yalyambulwa ukufuma pali magnetiki tepu uwakopwa elyo nokupulintwa mu Cingeleshi ukwabula ukushamo nelyo cimo. Uku kupilibulwa kwa mu Cibemba kwalembelwe mu 1993 naba Voice of God Recordings.

BEMBA

©1993 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalebwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org